

CHINESE-JAPANESE LIBRARY OF
HARVARD-YENCHING INSTITUTE
AT HARVARD UNIVERSITY
MAY 25 1940

3

T 3150/7256.31

中
舊
山
陽
曲
志
卷
三
北
七
五

字明德
號靜山
晉陽人
平順街

張
文
珍
藏

陽曲縣志卷之五

祀典志

戴夢熊曰祀典之設以明格幽有祭統有祭義有祭法禮經詳言之矣陽曲祀典參稽古今之宜而斟酌盡善意蓋有所取也禮云有功德於民則祀之功德有大小故祀事有隆殺垂示定式星日爲昭不可易也承是事者精神通於旦明齋肅嚴於志氣祭其受福哉至若廟宇並存從民便也寺觀附後斥異端也此作者之意也作祀典志

陽曲縣志卷之五

祀典志

戴夢熊曰祀典之設以明格幽有祭統有祭義有祭法禮經詳言之矣陽曲祀典參稽古今之宜而斟酌盡善意蓋有所取也禮云有功德於民則祀之功德有大小故祀事有隆殺垂示定式星日爲昭不可易也承是事者精神通於旦明齋肅嚴於志氣祭其受福哉至若廟宇並存從民便也寺觀附後斥異端也此作者之意也作祀典志

哈佛大學漢和
圖書館珍藏印

目錄 計四條

禮祀

祠堂

廟宇

寺觀

禮祀

戴夢熊曰嘗考洪範列祀於八政之中誠以祀爲
 邑之大事有祈有報有弭無非爲子惠元元計也
 則事神所以治民匪淫之狗實國之維矣考舊志
 廟宇祠堂同載祀典三官五聖諸廟何所取焉今
 於有關祀典者別之曰禮祀主祭之官並列於策
 示不淫也夫風噓雨潤理不可忘奠民居而粒民
 食山川社稷城隍實式憑之若夫闕宮告虔會天
 共舉此尤祀典之最重者其他天神地祇名宦鄉

賢非有功德于民者不入庶於祀典無或戾乎志

禮祀

城隍廟

祀本府本縣城隍之神縣附府不另立廟
三月十五日司道各官祭之○按城隍廟
各府州縣各邊衛守禦所俱建凡吏於土者始至
必齋而祀焉水旱疾疫則禱前代各有封號明初
改正祀典止題曰本府

社稷壇

祀本境社稷之神在北關外春秋二仲上
戊日祭布政司主之

李方秦曰山川社稷壇舊在晉府內
國朝定鼎未另設壇與風雲雷雨同祀癸丑上戊余
奉委致祭見壇內建屋四楹塑五龍神像心甚訝
之夫社稷山川風雲雷雨豈止於五亦豈可以有
像耶且勝國之社屋而不陽掃壇而祭豈宜有屋
屋之非禮也不知始於何人而遺制悖理如此

熙十三年四月具詳申請上臺蒙批確查妥議
報知縣邢公振岳捐俸創建於北關外其壇崇三
尺廣八尺四出陛

各三級繚以周垣

風雲雷雨山川壇

祀本境風雲雷雨山川城隍諸
神舊在晉府內 大清康熙十

三年教諭李方秦申請撫院考正知縣邢公振岳
捐俸創建於南關外春秋二仲上戊日祭布政司

之主

厲壇

祀本境城隍及境內無祀鬼神在北門外新
堡北每歲清明日七月望日十月朔日祭知

府主之○按厲壇致祭先期迎城隍神于壇上設
境內無祀鬼神位于壇下知縣戴公夢熊重修

里社壇

祀本里社稷之神春秋二仲上戊日祭里
長主之

鄉厲壇

祀本里城隍及無祀鬼神春秋二仲上戊
日祭里長主之○按里社鄉厲二壇詳於

會典見先王制禮無微不周廢之非一日矣願後之留心祀典者考復焉

文廟 祀至聖先師孔子及四配十哲春秋二仲上丁日祭府學布政司主之縣學知縣主之○

按漢祖祀孔子于闕里始命州縣學皆以春秋仲月釋奠漢平帝時封褒城宣尼公唐玄宗封為文

宣王元成宗又加為大成至聖文宣王其群弟子及從祀諸儒或封公侯或封師保元至順間加封

顏回兗國復聖公魯參邾國宗聖公孔伋沂國述聖公孟軻鄒國亞聖公廟制始於宋太祖元榜曰

大成殿冕服始于宋徽宗加冕十二旒服九章明嘉靖九年詔號曰至聖先師孔子改大成殿曰先

師殿四配十哲諸賢俱稱子諸儒俱稱氏

啓聖祠 祀啟聖公孔氏與文廟同日祭學官主之○按孔子父叔梁紇舊無祭元至順間封

齊國公明嘉靖九年議以齊國公無祭為闕典乃推所生之義定啟聖公號立祠祀於學官以頌

曆二十四年部議進周輔成從祀位程珦上

東西廡 祀諸先賢先儒與文廟同日祭知縣主之

按祭禮祭品與天下同制近多簡畧同者不必紀不同者不便紀也從祀先賢先儒姓氏天下皆同

亦不紀縣學闕名宦鄉賢祠附祭府學其本邑名宦鄉賢之姓名備書便稽考也

名宦祠 祀本縣縣令佐貳學官之賢者統于府學本學無另祠○周晉陽令董安于 晉陽

令尹鐸 金陽曲令周鼎 元陽曲縣學教諭顏瑜 明山東參議前陽曲縣知縣陳溥 南京應

天府治中前陽曲縣知縣劉因 大同府通判前陽曲縣縣丞王珠 陽曲縣知縣于天經 陽曲

縣縣丞李選 監察御史前陽曲縣知縣徐守謙禮科給事中前陽曲縣知縣周永春 國朝大

學士文康公前陽曲縣知縣宋權以上共十二人自董至陳五人見正祀考自劉至周六人見舊府

禮祀 禮五音卷三

志
樊載素曰士大夫職膺民社即建功業垂汗青當自視歆然而勸以入聖人之門墻未嘗不謙讓未遑也陽曲春秋來二千餘年俎豆學宮者指不多屈蓋以為直道存焉耳書曰罔俾阿衡專美有商詩曰樂只君子德音不已當官者尙勉乎哉

鄉賢祠

祀邑人之賢者統于府學本學無另祠○
晉尙書郭奕 南豐侯郭澄之 後周禮

州刺史懷德縣公郭彥 唐檢校工部尙書代節

度使劉昌裔 元集賢院大學士馮思 行省左

丞王守成 明南京刑部尙書周瑄 松江府知

府前監察御史申綱 陝西布政司左布政使張

天相 贈太常寺少卿前監察御史張文明 貴

州道監察御史閻皞 陝西延安府推官韓彰 陝

禮部尙書文端公周經 右副都御史陳壁 陝

西按察司副使唐希介 苑馬寺卿王槐 長清

縣知縣解瑛 陝西按察司僉事閻鐸 四川保

寧府知府崔侃 巡撫右副都御史陳燾 南京

戶部侍郎侯綸 浙江金華府知府劉榮 戶部

郎中張梯 陝西臨洮府知府唐頤 巡撫遼東

右僉都御史侯汝諒 四川布政司右布政使王

道行 戶科給事中李希洛 贈工部右侍郎順

天府尹萬自約 北直隸懷隆道副使馬維騶

南直隸泗州知州任政 兵部左侍郎李成名

湖廣岳州府推官郭崇 贈光祿寺卿北直隸永

平府知府張鳳奇 國朝分守湖南道參議李家

選 贈通政司右參議裴潤 贈兵部職方司督

捕郎中趙傑以上共三十六人

樊載素曰山阿水湄代有高良穎畔箕巔間生奇

士然當時則稱沒則已焉者何多也陽曲陶唐舊

都人材蔚起蘊為德行宣為文章措為事業莫不

赫赫奕奕光昭史策百禩祀之以崇德也以報功

也以勵世也後

此者可以興矣

八蜡廟 祀先嗇之神司嗇之神先農之神郵表曠

之神猫虎之神防之神水庸之神昆蟲之神

神在東郭官亭東十月二十一日祭知府主之○
 按蜡之為祭所以報本反始息老送終也歲十二
 月合聚萬物而索享之其神有八鄭康成謂一日
 先嗇二日司嗇三日先農四日郵表畷五日猫虎
 六日防七日水庸八日昆蟲是也先儒謂昆蟲為
 田害者不當祭而易以百種謂百穀之種也蓋自
 伊耆神農以下蜡祭之禮皆所不廢夏更名曰嘉
 平商曰清祀周曰大蜡丘文莊曰明朝於古祀典
 所當舉者未嘗或廢惟于蜡祭闕焉蓋此祭與籍
 田相為終始當東作方輿之始既率籍田之禮以
 祀先農于春而帥先農民以興其務本之心則百
 穀告成之後載舉大蜡之禮以報先嗇于冬而勞
 來農民以報其勤動之苦是舉先王之典禮亦以
 廣大恩也今府州縣俱有八蜡廟其亦古之遺意
 乎○八蜡廟頽毀已久 大清康熙二十年知縣
 戴公夢熊重修

土地祠 祀本縣土地之神在縣治堂東春秋二仲
 上戊日祭知縣主之

獄神廟

祀本縣司獄之神在縣獄內春秋二仲
 上戊日祭知縣主之

關帝廟

祀漢前將軍諡壯繆漢壽亭侯關羽在都
 司街東其餘城內外鄉村皆有且甚多每

遇朔望有司行香五月十三日神誕司道各官祭
 之○按程敏政曰關將軍羽仕漢封漢壽亭侯諡
 壯繆而今之祀扁止題曰壽亭侯不書諡意以漢
 為國名故不書繆為惡諡故削之為神諱也詎知
 書爵既已脫誤而曲諱諡法尤屬非宜夫漢壽者
 封邑而亭侯者爵也至於諡法武功不成曰穆穆
 繆古通用若秦穆公在史皆為繆蓋傷羽之死國
 故以壯繆節惠而宋岳飛諡武穆正與此同世俗
 以為惡諡豈理也哉又趙郡丞尙忠曰雲長忠義
 人所欽仰多廟祀之亦人心之不容已者但有二
 三廟內在以尼姑則污不可言○教場東關帝廟
 久已塌毀康熙十九年知縣戴公夢熊重修

文昌廟 祀文昌梓潼帝君之神二月初二日司道
 各官祭之一在南關順城門外一在府學

文明閣上一在文昌街東頭一在前所街一在鎮遠門甕城內○按神姓張其先越雋人因報毋讐徒居劍州之七曲山仕晉戰没人為立廟唐明皇西狩追封左丞僖宗入蜀封濟順王宋咸平中改封英顯又按文昌六星在北斗魁前為天之六府道家謂上帝命梓潼神掌文昌府事及人間祿籍故元加號為輔元開化文昌司祿宏仁帝君而天下學校亦多立祠以祀之夫神以孝德忠仁盡節於晉顯靈于蜀廟食其地於禮亦宜但文昌與梓潼合而為一恐出附會志之以俟考○牛站門外舊有文昌閣以補文風頽圯已久康熙十九年知縣戴公夢熊重建二十二年重修順城關廟

河神廟 祀臺駘之神在阜城門外北汾河東舊坐北向南邑人府尹萬自約有碑記 大清順治九年巡撫劉公弘遇因汾水浸沒塌毀捐俸重建坐東向西有鐵牛二隻邑人侍御裴希度有碑記八月十六日祭知府王之○按少皞金天氏裔子昧為滋冥師生乞格臺駘臺駘能業其官宣

汾水障大洋以處太原顛頽嘉之封諸汾川故為汾河之神

婁金神廟 在阜城門外北汾河東萬曆庚辰府孫公化龍建前有鐵犬三隻後漂沒巡撫大名李公景元修河復建又增鐵犬二隻二月十五日祭知府王之

馬王廟 祀馬步之神一在半坡街馬厰內一在鐵匠巷一在柴市巷一在割壘○按搜神記

神名步主為災害馬人為立廟祀之半坡街廟知縣主祭湫隘頽圯戴公夢熊重為修建

五神廟 祀五瘟之神在真武廟西明固始吳公同春建五月初五日祭知縣主之○按五瘟

非正祀不當入此但有疾者禱之輒應邑令有常祭焉有常祭故書於禮祀

旗纛廟 祀軍牙六纛之神昔在學道舊署東今移新寺巷內霜降日祭都司主之

阪泉祠 祀有熊氏軒轅黃帝在城東北八十里罕山西北即春秋晉文公因卜兆立祠以祀

軒轅者明洪武初改稱阪泉神今仍祀軒轅四月十七日祭知府主之

狐公廟 祀晉賢大夫狐突一在南關小木橋門外一在牛站門外一在蕭家營二月十五日祭知府主之

祭知府主之狐突詳人物

竇大夫祠 祀晉賢大夫竇鳴犢一在縣北四十里烈石口元至正三年建祀烈石神明洪

武三年改稱今號四月初五日祭知府主之一在北關新堡○竇鳴犢詳人物

藏山廟 祀晉大夫文子趙武在開平王廟西二月十五日祭知府主之○趙武即趙氏孤兒

詳人物程嬰傳知縣戴公夢熊同開平王廟重建歸附近城隍廟道官經管仍給地贍養焚修香火

二公廟 祀晉大夫董安于尹鐸廟無可考二月十五日設主於河神廟以祭知府主之○董

安于尹鐸詳宦蹟

蕭公廟

祀漢丞相鄼侯蕭何在縣治堂東一在七府營○按蕭侯祠處處縣治皆有或曰以

作律故然邑令祀之可也乃吏掾群然祀焉幾於褻矣

三立祠

祀晉省先哲及名宦鄉賢在新南門內侯家巷春秋二仲上丁日祭督學道主之○

按三立祠舊志在府東名晉陽書院後改為撫院因巡撫遷移虛其署仍為書院易其名曰河汾內

有三賢祠祀王文中子司馬溫公薛文清公萬曆初張江陵柄國奏毀書院祠遂廢巡撫魏公允貞

復建于學道舊署西乃易今名祀晉中歷代先哲自風后以下至叔齊十有八人寓賢卜子夏等三

人名宦自叔向以下至呂文簡十有八人鄉賢自董狐以下至薛文清十有六人避書院之名也後

督學道王公三才移先哲等神位於後前建考場督學道袁公繼成又增名宦石璞等九人鄉賢高

巍等八人著有三立祠傳巡撫吳公姓有序督學道桂公一章又增名宦桂彥良一人後增名宦蔡

懋德一人鄉賢王瓊陶琰陳希良陳韶張銓高邦
 佐辛全七人不知何年何人增入無可考矣
 朝順治年間巡撫白公如梅因祠基近水浸沒頽
 圮移建今地祀諸樓上即為校士之所康熙二十
 一年督學道劉公梅校正祀典重刊袁傳傳後系
 以贊附增名宦桂蔡鄉賢辛三人傳贊又增入鄉
 賢白孕謙一人亦有傳贊板藏府學中
 三立祠名賢位次考○先哲一十八人南向 有
 熊三公風后 古史官蒼頡 陶唐曆官羲氏
 陶唐曆官和氏 有虞后稷棄 有虞司徒契
 有虞士師皋陶 有虞虞官伯益 有虞秩宗伯
 夷 有虞典樂后夔 有虞共工垂 有虞納言
 龍 夏大夫關龍逢 商相巫咸 商相巫賢
 商相傅說 商賢人伯夷 商賢人叔齊○寓賢
 三人另龕居鄉賢上東向 先賢卜子夏 魏師
 段干木 魏師田子方○名宦二十九人西向
 晉羊舌大夫叔向 漢閭喜 令陳寔 唐右丞相
 前上黨尉朱環 唐平原太守魯國公前蒲州刺

史顏真卿 宋丞相魏國忠獻公前知并州韓琦
 宋參政文正公前河中府通判范仲淹 宋樞
 密副使孝肅公前河東轉運使包拯 宋丞相鄭
 國文忠公前將作監丞關决絳郡富弼 宋參政
 文忠公前河東制置使歐陽修 宋澤州晉城令
 明道先生程顥 宋參政質肅公前知太原府唐
 介 宋丞相忠宣公前判太原府范純仁 宋知
 潞州劉安世 宋芮城令邵伯温 明太子正字
 擢晉王府右傅桂彥良 明太傅兵部尚書忠肅
 公前巡撫山西于謙 明總督宣大工部尚書前
 山西布政使石璞 明提督大同軍務左副都御
 史年富 明霍州學正月川先生曹端 明巡撫
 大同襄毅公前山西副使韓雍 明太傅吏部尚
 書端肅公前巡按山西馬文昇 明太保兵部尚
 書忠宣公前總督宣大劉大夏 明刑部尚書文
 肅公前巡撫山西何喬新 明南京刑部尚書簡
 肅公前巡撫山西張敷華 明吏部尚書莊肅公
 前山西督學副使進參政胡松 明祭酒南京禮

部侍郎文簡公前解州判官呂柟 明贈刑部尚
 書前襄垣大同令進按察使巡撫山西呂坤 明
 巡撫山西僉都御史魏允貞 明巡撫山西僉都
 御史忠襄公蔡懋德 〇鄉賢三十二人東向 晉
 史官董狐 漢太史令司馬遷 漢有道先生郭
 泰 漢獨行王烈 隋文申子王通 唐梁國文
 惠公狄仁傑 唐中丞真源令張巡 唐晉國公
 裴度 宋丞相文簡公畢士安 宋丞相太師路
 國忠烈公文彥博 宋丞相太師溫國文正公司
 馬光 宋適英閣說書孫復 宋丞相忠簡公趙
 鼎 宋先儒侯仲良 明前軍都督府斷事高巍
 明刑部尚書暴昭 明禮部侍郎兼翰林學士
 文清公薛瑄 明巡撫雲南僉都御史楊繼宗
 明太保禮部尚書文端公周經 明太傅戶部尚
 書忠定公韓文 明巡撫宣府右副都御史王雲
 鳳 明兵部尚書恭襄公王瓊 明兵部尚書恭
 介公陶琰 明真定府推官陳希良 明太傅吏
 部尚書襄毅公楊博 明少保大學士文端公王

家弁 明贈登州府通判忠烈公陳韶 明贈兵
 部尚書忠烈公張銓 明贈大理寺卿忠節公高
 邦佐 明太子太保左都御史曹于汴 明理學
 大儒文敬先生辛全 國朝刑部尚書白孕謙以
 上共八十二人
 李方苞曰查祠碑及傳序名賢凡三四增矣魏中
 丞標名立祠之始僅五十五人袁學憲增至七十
 二人桂學憲增至七十三人後增者八人劉學憲
 新增入者又一人而後增之八人皆苦莫考乃吾
 聞中丞蔡忠襄公撫晉時絳州有韓孝廉霖者曾
 參幕事一陶二陳一辛皆絳人其為彼時所入無
 疑蔡忠襄明末死事大臣入祠定在 本朝或中
 丞白公移建三立祠時所入亦未可知至王恭襄
 張忠烈高忠節則不可得而臆度矣抑余不能無
 議者陳希良不聽厥璫以廢法遂致被誣獄死陳
 韜抗節孤城竟以身殉皆吾鄉之正氣人也但一
 祀之萊陽或同祀之絳州足矣如以為無愧祀典
 彼晉中名賢如二公者豈少哉倘必欲盡入無論

祠不能容且開異日濫入之端甚可慮也謹抒管見以俟有志祀典者採焉○又查祠中牌位有六經門人程元受禮門人賈瓊受詩門人李靖門人王貞字孝逸門人凌敬五人皆文中子弟子不解何故或當年三賢祠中設以配享者後人不知復增入耶然董常薛牧仇璋三人皆王門高弟許以禮樂者反遺焉則又何也余謂毅然去之祀乃不濫不知後之持憲者有同志否

祠堂

戴夢熊曰祠之立以勸善也夫以勞定國則有祀以死勤事則有祀以捍災患則有祀祀之者人心之不容已也乃蒞茲土者瞻廟貌而肅然敬睹榜額而悠然思此豈非以之報功即以之勵世哉冠忠烈於諸祠前其所以興人節義之心者更不淺矣志祠堂

忠烈祠

祀國朝已丑死事諸臣在三橋子街順治七年巡撫劉公弘遇建○正廳二十九人

西向 欽差巡撫山西右副都御史祝世昌 贈光祿寺卿分巡冀寧道副使王昌齡 贈光祿寺

卿分巡冀南道副使劉澤溥 贈光祿寺少卿寧

武兵備道僉事金元祥 贈光祿寺少卿尚嵐兵

備道僉事徐淳 贈太僕寺卿潞安府知府楊致

祥 贈太僕寺卿汾州府知府黃廷栢 贈山西

布政司右參政河東運司運使鄭弘圖 贈山西

按察司副使太原府同知張國賢 贈山西布政

司右參議河東運司運同李因之 贈山西布政

司右參議蒲州知州錢法裕 贈山西按察司僉

事潞安府推官司九韶 贈山西按察司僉事臨

縣知縣張耀祖 贈山西按察司僉事與縣知縣

李昌汭 贈山西按察司僉事繁峙縣知縣崔尙

質 贈山西按察司僉事夏縣知縣劉之屏 贈

山西按察司僉事垣曲縣知縣李榮宗 贈國子

監助教太谷縣教諭賈道醇 贈忻州知州忻州

州同馬維熙 贈山西都司經歷布政司都事周

邦翰 贈山西按察司知事按察司照磨楊其籍

贈都督僉事助馬路參將李向堯 贈副將井

坪路參將佟國仕 贈副將得勝路參將管一舉

贈參將汾鎮右營遊擊劉懋德 贈遊擊鎮

營都司管遊擊事曾學孔 贈遊擊巡捕都司

應舉 贈都司督標旗鼓守備董廷儒 原任河

南守道降補霍州知州王來觀 贈南廡五人 贈

山西布政司照磨河東運司知事王存鏊 贈太

原左衛經歷陽曲縣主簿何顯祖 贈江南山陽

縣主簿交城縣典史鄭運昌 贈河南南濟源縣主

簿太谷縣典史王自亮 贈山東夏津縣主簿永

和縣典史鍾夢豹 贈北廡五人 欽恤署都司舊

營中軍王廷衡 欽恤撫標右營中軍守備李進

忠 欽恤舊營千總王命新 欽恤分巡冀寧道

千總宋國忠 欽恤寧武營把總丘登戎 共三十

人

文中子祠

祀隋大儒王通在府學啟聖祠東

狄公祠

祀唐梁國公狄仁傑在南關橋口 國朝 康熙十一年知府周公令樹重修二十年

知縣戴公
夢熊再修

包公祠 祀宋孝肅公包拯在南關小市街

三賢祠 祀明前軍都督府斷事高巍刑部侍郎掌
北平布政司事張昂刑部尚書掌平燕布

政司事暴昭在
開平王廟東

三忠祠 祀明贈兵部尚書諡忠烈巡按遼東監軍
御史張銓贈大理寺卿諡忠節遼陽兵備

參政高邦佐贈光祿寺卿諡忠愍遼陽兵備副使
何廷魁在鎮朔牌樓南

三功祠 祀明巡撫山西右副都御史萬恭山西驛
傳道郭斗山西督學道陳瑞舊在城東拐

角後移南關順城街今
移順城門外文廟中

胡公祠 祀明吏部尚書前山西督學道胡松在舊
三立祠 明督學道周公繼昌重修

周公祠 祀明山西督學道會事周繼昌在舊旗
廟東提學道左

李宗伯祠 祀明禮部侍郎晉江李廷機在府治西
明萬曆三十年各宗人建

魏公祠 祀明巡撫山西右副都御史魏允貞在帽
兒巷

趙公祠 祀明巡撫山西監察御史趙文炳在帽兒
巷

周公祠 祀明太原府知府周詩在帽兒巷

於公祠 祀明太原府知府於惟一在牛站

于公祠 祀明陽曲縣知縣于天經在關王廟傍

吳公祠 祀明巡撫山西右副都御史吳牲在南關
今稅課司收稅于內

宋公祠 祀明陽曲縣知縣宋權在南關康熙年間
知縣戴公夢熊重修

畢將軍祠

祀明遊擊將軍畢文在鎮遠門甕城內今廢

申公祠

祀國朝巡撫山西右副都御史申朝紀在鎮朔牌樓南

白公祠

祀國朝總督山西兵部侍郎白秉真在南關

白公祠

祀國朝巡撫山西右副都御史白如梅在大南門街

楊公祠

祀國朝巡撫山西右副都御史楊熙在紅四牌樓東

廟宇

李方纂曰禮天子祭天地諸侯祭境內山川則上

帝五嶽諸神非百姓家之可得祭明矣况有無關

於地方無切于義理者紛紛崇此廟貌何為乎孔

子曰非其鬼而祭之諂也但愚夫愚婦香火已久

藉為一方之利賴者王道本乎人情必不拂民而

為之禁昔鄉先賢梁公巡行江南奏毀淫祠千七

百區獨留夏禹吳泰伯季札伍員四祠非可語于

今日也志廟宇

真武廟

祀法天上帝城裏關外共十一區○按真武本法武北方法武七宿虛危星形似之故因而名龜蛇亦星垣之象道家換為詭異謂神為人如梵王太子披髮出家之類或造讖言恐涉於誣明太祖建廟於鷄鳴山以崇祀事文皇靖難師起常有顯應又於京師良隅并武當山各重建廟宇此恐非民間所得秩祀然北方當星躔之坎於是香火叢興矣

泰山廟

祀東嶽泰山之神城裏關外共四區○按祀止宜設壇立主豈宜建為廟宇妄為形貌而仍用已革妄誕之號乎且又別為寢宮妄為夫婦不知又以何山為配詎非妄誕中妄誕者乎昔季氏以大夫而祭孔子尚議其僭竊何今之庶民小子賊盜娼優皆得僭越誦讀而污穢之魯也如斯已屬非禮况山西距泰山二千餘里為廟貌祀之名曰東嶽行祠夫山為至靜之物其神安有巡行之理且又塑為十代閻羅之形剉燒春磨之狀以惑

百姓展轉妄誕一至于此百者祭山川不呈以不能圖其形也奈何不一之思耶

三靈侯廟

祀周大夫唐宏葛雍周武在南關西胡景門甕城內○按三靈侯者孚靈侯唐宏字文明威靈侯葛雍字文樂淡靈侯周武字文剛皆周厲王臣諫王不聽去客吳吳王厚禮之會楚侵吳三人各以神策迎楚兵楚懼而降吳王欲大加封賞不受宣王即位復歸周後救太子幽王之難宣王遷三臣于東郊治民有惠政沒併加侯封歷秦漢隋唐至宋真宗因其顯應賜號三元真君凡民有禱輒應各州縣多祀之

黃帝廟

二一在布政司前郭駁巷一在南關

三皇廟

祀太皞伏羲氏炎帝神農氏黃帝有熊氏在城隍廟西

漢文帝廟

在城東北相傳漢文皇帝嘗幸太原故後人立廟祀之

開平王廟

祀明開平忠武王常遇春在二賢祠西
康熙二十一年知縣戴公夢熊重建

南嶽廟

祀南嶽衡山之神在西米市街

北嶽廟

祀北嶽恒山之神在壽寧寺後

五聖廟

祀五顯靈官之神五區俱在前衛街及小東門

三官廟

祀三元大帝之神一在沙河街西城下
一在娘營南城下一在西村

天仙聖母廟

祀碧霞元君一在橋頭一在娘營
一在西南角一在鷄鵝巷一在南關

一在城東角闖賊
拆毀今移建岡上

張仙廟

在前所街關王廟西○相傳宋王伐蜀得
花蓋夫人置之後宮夫人為孟昶幸姬私

令畫工圖昶形而祀之宋王見而詰焉詭對曰此
張仙也奉之宜子宋王因命民間遍祀之其神張

弓挾彈蓋昶
生平所好也

子孫聖母廟

祀九天衛房聖母一在七府營一在
崇市巷姑姑庵一在西泰山廟一在

汾河
西

井龍王廟

祀井泉龍王之神一在大新街一在糧
儲道西

社官廟

祀五聖之神在七府營張所巷

江東廟

祀秦人石固籤極靈驗在天慶觀內○按
搜神記神姓石名固秦時瀨縣人也歿而

為神鄉人設珥玦問吉凶其應如響人驗其靈應
作韻語百首為籤占之愈益靈驗名曰江東神籤

因神廟在瀨州府外
瀨水東故名江東

大王廟

祀金龍四大王之神在天慶觀西○按神
姓謝名緒宋人也晉相謝安後裔充會稽

庠生築居錢塘之安溪墾值宋祚將顛不輕出仕
 甲戌秋霖天日崩神曰天日臨安宗也崩則宋危
 矣未幾鼎遷悲憤久之吟曰立志孤忠尙未酬莫
 言心事付東流淪胥天下誰能救一死千年恨不
 休擲筆赴水志全大義侍教諸生瘞諸金龍山麓
 創祠祀焉及明太祖呂梁之戰兵幾潰仰見三神
 披整執札反河而北遂獲濟勝之奇陰禱求故爲
 平成封建地是夕見諸夢間曰予宋會稽謝生也
 祖名達父叔三予昆仲四紀綱統緒宋以沉莒溪
 殞金龍山昨輔戰者乃真結義截楠木二神也覺
 卽詔布勅封昭其居序其行隆其忠烈曰金龍四
 大王因命主河且御製贊曰天目山崩莒溪水漲
 此水伊何雷轟電亮憤扼屈原汨羅渚壯怒挾子
 胥錢塘風浪倒注天潢陰霾掃蕩殺賊張巡厲鬼
 無誑日月爭
 光千秋朕纒
 軒坊廟 卽八蜡之昆蟲凡遇蝗蝻禱卽自絕今廢

晏公廟

祀平浪侯晏仔戌之神一在前所街一在
 前衛街○按搜神記神姓晏名仔戌臨江

府之清江鎮人也濃眉虬髯面如黑漆平生疾惡
 如深湯人少有不善必曰晏公得無知乎其爲人
 敬憚如此元初以人才應選入官爲文錦局堂長
 因病歸登舟卽奄然而逝從人歛具一如禮未抵
 家里人先見其唱騶導於曠野之間衣冠如故咸
 重稱之月餘以死至且駭且愕語見之日卽其死
 之日也啟棺視之一無所有蓋尸解云父老知其
 爲神立廟祀之有靈顯于江湖明時封平浪侯
 龍天土地廟 一在牛肉巷一在郝庄

白龍廟

祀白龍王之神一在東關一在南崗村○
 按神爲行雨諸龍神中之一

牛神廟

祀牛王之神在牛站

窰神廟

祀司煤炭窰之神在城東角聖母廟中今
 廢

蒼頡廟

在城東角聖母廟中今廢

火神廟

在教場東○按搜神記神姓宋名無忌漢時人也生有神異沒而為火精唐牛僧孺

立廟祀之以禳火災今各郡邑皆有之愚謂神不遇南方之火耳何以得有姓名而野史所載漢糜芳事云神係婦人又何也總皆荒唐之詞不足深信○康熙十九年知縣戴公夢熊重修

二郎廟

祀昭惠靈顯清源妙道真君在二郎堂街○按搜神記神姓趙名昱隋人也從道士

李珣隱青城山中煬帝知其賢拜為嘉州太守郡在冷源二河內有犍為老蛟春夏作害其水泛漲漂蕩民不勝其患神大怒於五月間設舟船率勇士集萬民夾江鼓譟聲振天地神持刃入水須臾水勢奔騰盡赤手持蛟首而出害遂息焉從公入水者七人即七聖是也時年二十六矣隋末天下大亂棄官隱去莫知所終後嘉江水溢蜀人見青霧中乘白馬引數人鷹犬彈弓猶獵者從波而雨

過乃神也民感其德立祠於灌口祀焉俗呼灌口二郎神唐太宗封為勇將軍明皇幸蜀陰有皂隼之功加為赤城王宋真宗朝益卒大亂張詠入蜀治之求助於神果克奏請尊號曰清源妙道真君又按德隅齋畫品秦蜀太守李冰之子開二江制水怪蜀人德之祠於灌口故稱灌口二郎風貌甚都威嚴巖然挾彈遨遊於二江之間成廟食之氣二說未知孰是

烈帝廟

祀北魏平文皇帝在前所街東

黑虎神廟

在府治西有邑人御史李光輝碑記

寺觀

戴夢熊曰釋氏談因果說未來事人多惑之故禪
林較道院爲最多漢唐以來處處皆有勅建習俗
久而難返遂成無可如何之勢陽曲陶唐故墟寺
觀林立如是况其他焉者哉然黃冠緇衣坐食其
中皆惑世誣民糜費金錢之人也在城者且姑存
至於鄉村何若悉改八蜡祀之著捍患禦災之功
斥遊魂冥獄之說斯乃維俗移風之正道乎志寺
觀

崇善寺

元名白馬寺後改為宗善寺僧不能久在
有風水增一山字遂名崇善南陰有瞻寺
地四十頃鐘鳴昇食明洪武間建置僧綱司正月
十六日遊百病四月初八日浴佛男女混雜

天慶觀

在縣治東南今名滋通觀元中統元年建
內有通明閣高數丈明洪武間建置道紀
司屬太原府右廊有江東祠神名石固秦人也祈
籤靈應今道紀司移城隍廟中

文殊寺

二一在西蕭墻角一在鄯都村
在縣治東南宋時建

壽寧寺

二一在前所街舊名洪祐寺明正德間宗
人占據幾三世子孫廢棄河東王捐金五
百兩重修改今名一在城東北隅舊為裴通政家
別墅其毋盡節於井因改為寺亦名報息

安國寺

在前衛地方

彌陀寺

二一在大南門西金大定四年建明洪武
五年重建 國朝康熙五年巡撫楊公熙
重修一在南市西為小彌
陀寺指揮陳彬家佛堂

清真寺

在大南門內教門中建初名崇真寺後改
今名

萬安寺

在三橋子街三府巷內

普光寺

在七府營

太子寺

在鐵匠巷今廢

迎福寺

在前衛東北角

開化寺

在開化寺街殿宇頗壞明萬曆二十二年
僧元祥修建磚塔一座勒石曰鴈塔題名
今廢或謂塔乃文峰毀廢則科目不盛興復舊觀
不能無望於蒞茲土者

延慶寺 在城東門外地勢爽 壇修置清幽冠蓋多 遊咏其中頗稱勝境 但春秋祭掃畢男婦 或飲晏從遊 甚為不雅

崛巘寺 二一在城西北三十里呼延村晉王李克 用與子存勗焚香題 名曾為刻石唐真元 二年賜額一在 城南三里許

地藏庵 在校尉營

土堂寺 二一在城西北四十里劉村金泰和五年 建一在南關順城門內

淨因禪院 在北關明萬曆甲辰年 建

圓通寺 在北關洪武年間建 京泰八年重修 國 朝康熙二十年知縣 戴公夢熊再修

懸泉寺 在城西北五十里山 下有泉從崖頭流下 故曰懸泉

接待寺 舊在南門外菜園村西因 河流北毀今移 建萊園官道東為迎送之所

影堂寺 在南關明洪武年間修

寶林寺 在羅公墳前松栢金茂景 致清幽

水浴寺 在城西二十里桃源洞 西

龍泉寺 在城西二里許明洪武 八年重修

治平寺 在城西三十里西山上 俗名狼虎寺

金藏寺 在水西關

太平寺 在水西關 國初建

妙覺寺 在城南二里東岡村明 洪武年重修

洪福寺

二一在城東北十里辛村明洪武十三年建一在城東楊家峪

真容寺

在城南十里明洪武年修

德雲寺

在城南五里元至正七年建明洪武年重修

千佛寺

在城南十里狄村唐貞元年間建

慈觀寺

在城南十里狄村國朝順治年重修

長興寺

在城東一百里楊興鎮元至正十九年修

吉祥寺

在城東北十五里明洪武十年建永樂八年重修

華嚴寺

在城西八十五里石槽村元至正十四年重修

多佛寺

在城北三十五里呼延村岫巖山明洪武年間建

西方境

在東岡明正統年間建

奉先寺

在城西十五里三交村元大德甲辰年建

崇覺寺

在城北二十里辛村明洪武年建

資福寺

在城西北二十里柴村元至元二年建

慧覺寺

在城西北三十里西村元延祐四年建明洪武年間重修併寶泉寺入焉

大明寺

在城西三十里紙坊頭明正統十一年修

廣仁寺

在城西三十里西各村明洪武十二年建

天王寺

在城北四十里范家村元時建明洪武十五年重修

大寧寺

在城西十里西社村明宣德七年重修

明智寺

在城北五十里栢樹村

西鷄觀

在城東北九十里高村元至元十五年建

大慈寺

在城北五十里萬壽村又城西二十里有大慈下寺

金剛寺

在城北六十里東張村宋宣和元年建

天門寺

在城西北六十里天門關內

三覺寺

在城北六十里劉村明洪武十二年建

佛堂寺

在城北六十五里郁利村元大德七年建

福勝院

在城東北七十里蔡村元至正九年建

觀音堂

二一在城北九十里白村金明昌六年建
一在南關水晶宮

仁濟寺

在城北九十里高州明永樂十二年建

觀音廟

在城西北三里下北關明萬曆六年重修

寶舉寺

在城西一百里河下村明洪武五年重修

安善禪寺

在城北明成化二十二年建

神清觀

在城東十五里鬧馬村元延祐六年建

卿雲寺

在城北九十里辛莊元皇慶元年建

長安寺

在城北七十里北窰村明嘉靖十二年重修

隆興寺

在城西北二十五里張村元真二年重修

悠慶寺

在城西北一百一十里西小店明萬曆乙巳年重修

清修寺

在城東北八十里東黃水元至元年建

永祚寺

在城外東南十里俗呼雙塔寺內建塔二座樓閣巍然為晉奇觀明萬曆二十五年

建○按塔之建起自堪輿家言謂塔在巽峰則文運勝建後連四科兩庠中五人或七人或十人又

中解元其兆足徵也增八景有雙塔文峰即此

純陽宮

在貢院東明萬曆二十五年朱新場朱邦祚建景致幽雅頗稱勝境

熙寧寺

在羊市路南 國朝康熙年建

十方院

在東關明崇禎年建

淨業庵

在城東南十里狄村東旗鼓范明威建正殿三間張官男張延壽建南殿三間

薛子曰自古四十九州無不崇釋老唯見曲阜無釋老官僧道居邪不干正理固然也唯京師為最

多在晉陽者亦復不少佛氏所謂慈悲寧及虎狼蛇蝎而不及父母妻子所謂施舍寧使人以財與僧而不使僧以財與人山河大地未聞以法空也必欲空之而屹然沛然者卒不能空兵刑灾禍未可以咒度也必欲度之而伏屍百萬卒不能度佛教不自漢興西極化人之道莊烈固已言之矣然其精者六經孔孟之書具焉若欲以禪定復人性我儒有恭默無為之道在若欲以慈忍厚人德我儒有忠信惻怛之道在若欲以報應禁人僻我儒有懲惡勸善之典在若欲以齋戒抑人淫我儒有防慾閑邪之禮在士不求六經孔孟而必曰通佛以為名高是庸人賤子奔走香火於二氏之官而過孔孟之門則掉臂不顧也

陽曲縣志卷之六

學校志

戴夢熊曰學校之設由來久矣總之置吏俾育建
學俾教儲人才以備用意至深且遠也故立黌宮
以處士設祭器以習禮詩書陶其心條教束其身
鄉飲鄉射明其揖讓月課歲試昭其勸懲一代名
賢鴻儒公卿將相咸由此出孰可畧而不詳者况
晉陽人士質直朴實遵聖經息邪說惟司教者是
賴漢儒曰雖有自然之性必立師傳誠本論也至

于鼓舞振興凡有事茲土者皆有厥責豈獨司鐸者事哉作學校志

目錄 計十條

學宮

祭器

書籍

臥碑

學政

鄉飲

鄉射

義學

作養

學田

學宮

戴夢熊曰學宮何志乎廟曰文志統也殿曰先師志敬也堂曰明倫志教也齋曰正心曰誠意志學也履斯地者可以顧名思義矣雖號舍虛而庠無絃誦然春秋對越朔望展謁大典攸關誰敢廢者人之言曰學校人才所從出余得不重乎哉余得不重乎哉志學宮

文廟

在縣治西金大定年建明洪武二年修成化十二年重修大清順治十一年巡撫劉公

弘遇重修康熙九年學道董公朱袞知縣宋公時化教諭李方綦重修十九年按察使庫公爾康知

縣戴公夢

熊重修

先師殿 五大間居中央 大清康熙九年改建新者

東西兩廡 各十三間

戟門 三間左右齋宿所一間祭器庫一間

泮池 橋一座在戟門外

櫺星門 三間額扁曰文廟在泮池南

啓聖祠 舊在明倫堂西後因水浸移於明倫堂東正殿三間 大清康熙十年置配享神龕二座

建牌坊一座

名宦鄉賢二祠 統於府學

儒學大門 一間在櫺星門東今移奎光樓於其上

明倫堂 五間在先師殿後左右齋房各五間東曰誠意西曰正心左右角門各一間

奎光樓 舊在明倫堂後 大清康熙十年重修十九年知縣戴公夢熊移建儒學大門上

敬一亭 三間在奎光樓後

教諭宅 一所在敬一亭後

訓導宅 一所在西角門外西齋房後

李方秦曰學宮瀕於水經中丞劉公重修建後才十有三年又見剝落地漏余香火所在不敢諉也力圖補葺賴邑侯宋公始之學道董公終之大殿墻壁明正德間物也新為更換頗稱堅固四配十哲兩廡諸神龕無敢飾外而疎內啟聖祠舊止一龕無正門乃益配享東西龕建牌坊一座左右周

以櫺星墻泮池奎樓諸處皆為重新先賢先儒位
 次考正新飾加以連座庶不紊亂更創建府學兩
 廡神龕先賢先儒牌位一如縣學學道徐公謂第
 捐銀十兩董公朱衮二百一十四兩邑侯宋公時
 化三十兩塑神像五尊又二十兩鄉宦裴公希度
 六兩閻公昭三兩諸生李梅等六十餘兩余二十
 兩自康熙庚戌三月興工至壬子八月告竣洎斯
 土者當念職任攸關時為修葺飾神廟而興人
 文則於名教之地為有補
 矣故書顛末以告來者

李方芑曰陽曲縣學自余兄督修後裁十年耳又
 復傾頽漫漶葢綠地居卑濕嚴冬則地凍而高起
 春暖地消墻壁剝落大半時修時毀終不能固今
 臬憲庫公邑侯戴公雖捐俸重葺不能必後之不
 圯也後之蒞斯土者
 尚其時勤補葺哉

祭器

劉中式曰學宮祭器兵燹後雖有增補未必皆符
 定數然事神習禮所繫甚鉅不可畧也今僅記其
 存者諸有所闕不敢妄載簡策庶使後之君子得
 以考定制而補殘缺焉志祭器

銅簋

三

銅簋

三

錫簋

錫簋

共十

按簋簋盛黍稷之器有虞氏曰敦夏曰瑚商曰瓊
 周曰簋簋簋方簋圓刻木為之古用陶器後世範
 金為之宋文公奏
 准祭器皆銅鑄

銅籩 三十六

錫籩 三十二

銅豆 一十八

錫豆

按籩制古今皆竹製豆制不同夏揭豆殷王豆周獻豆又魯王豆雕篋爾雅及鄭氏說以木禮旒人說以瓦呂氏考古圖說及政和近制以銅高廣俱如籩

銅登 用薦太羨

銅劔 三用薦和羨範金為之

木篚 十

按篚制用竹為之鄭人謂如車苓如竹篚用以承帛蓋詩鹿鳴實幣帛篚篚之遺意也

銅爵 三十

錫爵 三十

按爵盛酒禮之器夏以棧商以斝周以爵禮書云爵小者名爵火小者名燂其義取小為貴因著飲

戒 五其形兩柱 三足隻耳侈口

銅尊 三

銅香爐 三

銅燭臺 三對

銅毛血盤 三

銅盥洗盆 一

銅燭剪 一

木盤座 一

木花瓶 一對

鐵鐘 一 盆架

鼓 一 盆架

黃綾面帳 一

案衣 一

黃綾小面帳 一

紅綾面帳 四

竹簾 一

盛祭器木櫃 二

書籍

李方棊曰天下學宮皆建尊經閣以藏書有前代御頒者有上臺購送者無非教育士子為有本之學有用之材也陽曲澤宮多水尊經無閣兵燹以後散佚者多然斷簡殘編古人之德澤存焉珍藏修護司鐸者不能辭其責矣至敬一箴傳古今之心學謹錄於後慮遺忘也其諸藏刻雖非貯于學序而一以見昔人鄭重珍惜之至意一以見作者精神心血之所畱詎忍令其泯滅無聞耶故志書

籍而二者附之

四書大全

五經大全

五倫書

為善陰騭

資治通鑑

通志列傳

太平經國書

世史正綱

范曄漢書

嘉靖八年太原府知府益都黃公卿送

通鑑節要

文選

正祀考

以上俱藏本學今多殘缺不全

敬一箴

明世宗御製頒賜天下學宮今雖失落
庶有附錄其文於左

夫敬者存其心而不忽之謂也元后敬則不失天下諸侯敬則不失其國卿大夫敬則不失其家士人敬則不失其身禹曰后克艱厥后臣克艱厥臣五子之歌有云予臨兆民如朽索之馭六馬為人上者奈何不敬其推廣敬之一言可謂明矣一者純乎理而無雜之謂也伊尹曰德惟一動罔不吉德二三動罔不凶其推廣一之一言可謂明矣蓋位為元后受天付託承天明命作萬方之君一言一動一政一令實理亂安危之所繫若此心忽而不敬則此德豈能純而不雜哉故必兢兢懷畏慎於郊禋之時儼神明之鑒享發政臨民端莊戒謹惟恐拂於人情至於獨處之時思我之咎何如改之不吝思我之德何如勉而不懈凡諸事至物來究夫至理惟敬是持惟一是協所以盡為天子之職庶不忝厥祖厥親由是九族親之黎民懷之庶仁澤覃及於四海矣朕以冲人纘承丕緒自諒德惟寡昧勉而行之欲盡持敬之功以馴致乎一德其先務又在虚心寡慾驅除邪逸信任耆德為之

臣輔敷求善人布列庶位斯可行純王之道以坐致太平雍熙之至治也朕因讀書而有得焉乃述此以自勗云

人有此心 萬理咸具 體而行之 惟德是據

敬焉一焉 所當先務 匪一弗純 匪敬弗聚

元后奉天 長此萬夫 發政施仁 期保鴻圖

敬怠純駁 應驗頓殊 徵諸天人 如鼓答桴

朕荷天眷 為民之主 德或不類 以為大懼

惟敬惟一 執之甚固 畏天勤民 不遑寧處

曰敬惟何 怠荒必除 郊則恭誠 廟嚴孝趨

肅於明廷 慎於闕居 省躬察咎 警戒無虞

曰一惟何 純乎天理 弗參以三 弗貳以二

行顧其言 終如其始 靜虛無欲 日新不已

聖賢法言 備見諸經 我其究之 擇善必精

左右輔弼 貴於忠貞 我其任之 鑒別必明

斯之謂一 斯之謂敬 君德既修 萬邦則正

天親民懷 永延厥慶 光前垂後 綿衍蕃盛

咨爾諸侯 卿與大夫 以至士庶 一遵斯義

主敬協一 罔敢或渝 以保祿位 以完其軀

藏刻附

古有盤銘 目接心警 湯敬日躋 一德受命

朕為斯箴 拳拳希聖 底於嘉靖

庶幾湯孫 底於嘉靖

易經 書經 春秋 四書 漢文選 唐文粹 元文類 文章正宗

詩經 禮記 續文章正宗 初學編 以上俱晉府藏板

今散失無存

寶賢堂石刻

舊在晉府今移入三立祠遺失者多
大清康熙二十一年知縣戴公

夢能鐫
補成之

清書堂石刻

邑人王元
雅鐫

山西通志

府學藏板知縣戴
夢熊捐建庫房

賦役全書

太原府志

汲冢周書

周文端公文集

桂子園集

邑人王道行
著

陳文岡文集

學道陳棊著

河汾教

學道文翔鳳著

正祀考

學道閔煦著

聲律發蒙

巡按馬象乾
刊

三立祠傳

學道袁繼成著

陽明要書

學道桂一
刊

四書約說

學道孫肇興著

三立祠傳贊

學道劉楠
著

撫虔拙念

邑人李成名著

益言錄

明儒要言

政學訓言錄

性理守約

以上俱李希洛
著

復古指南

知縣周永春
刻

慕隨堂集

邑人參議傅霖
著

陰騭錄

慎言集訓

俱邑人布政馬
諫著

澹明野嘯

息齋藏書

俱邑人通政參
議裴希度著

吳越兩山集

邑人知縣
趙瑾著

晉風選

邑人知縣趙瑾選

日講四書解義

鄉約全書

俱知縣戴夢熊
刻

陽曲縣志

知縣戴夢熊著

李方秦曰山西通志一書余自康熙甲寅奉命纂修至壬戌督學劉公梅始竣其事先是督學董公朱袞謝公觀盧公元培皆有鑒定之力惜後時例難載也劉公命藏於府學以余久於事知作之難必守之慎知縣戴公夢熊捐建庫房三間以爲藏貯書板之所併將所刻日講四書解義一部所著陽曲縣志一部附藏焉解義計四套二十六冊共板六百七十葉縣志計一套八冊共板四百八十六葉戴公殫心竭力諸所創修務爲百年之計書籍特其一端耳余必着意收藏隨時查補敢負良吏之心而貽知己之羞哉

臥碑

戴夢熊曰書籍者前代之遺編也臥碑者

本朝之功令也書籍所載詳而盡臥碑所示簡而切兩者詎可缺一哉然臥碑鐫石已久士子服習歲誦者十無二三此無他其文僅勒墻壁過而輒忘也吾見廣文李仙葉昔爲陽曲學博刊刻臥碑遍散諸生今在郡庠亦復如是此爲

朝廷宣教條凡司鐸者皆宜留意焉志臥碑

禮部題奉

欽依刊立臥碑曉示生員

順治九年頒

朝廷建立學校選取生員免其丁糧厚以廩膳設學院學道學官以教之各衙門官以禮相待全要養成賢才以供

朝廷之用諸生皆當上報

國息下立人品所有教條開列於後

一生員之家父母賢智者子當受教父母愚魯或有非為者子既讀書明理當再三懇告使父母不陷於危亾

一生員立志當學為忠臣清官書史所載忠清事

蹟務須互相講究凡利國愛民之事更宜留心

一生員居心忠厚正直讀書方有實用出仕必作

良吏若心術邪刻讀書必無成就為官必取禍患

行害人之事者往往自殺其身常宜思省

一生員不許干求官長交接勢要希圖進身若果

心善德全上天知之必加以福

一生員當愛身忍性凡有司官衙門不可輕入即

有切已之事止許家人代告不許干與他人詞訟

他人亦不許牽連生員作証
一爲學當尊敬先生若講說皆須誠心聽受如有
未明從容再問毋妄行辯難爲師者亦當盡心教
訓勿致怠惰

一軍民一切利病不許生員上書陳言如有一言
違自以違制論黜革治罪
一生員不許糾黨多人立盟結社把持官府武斷
鄉曲所作文字不許妄行刊刻違者聽提調官治
罪

學政

劉中式曰學政有制始於明祖洪武嗣後斟酌變
通爲例不一大抵不離因學定數者近是我

朝定鼎童子額已數更矣但比年以來取數太隘而
諸生之病故降黜者甚多所入不足償所出余竊
恐士子之日少也夫設立學校原欲儲英才以備
異日之用而顧令其漸消磨於科歲兩考之內
國家又奚賴焉然則斟酌變通今日可或緩乎志學
政

明洪武二年十月辛卯詔天下郡縣并建學校以作養士類定在京府學生員六十人在外府學四十人州學三十人縣學二十人日給廩膳聽於民間選補仍免其家差徭二丁八年立社學十六年奏准天下府州縣學自明年爲始歲貢生員各一人二十年令增廣生員不拘額數正統元年令生員名缺許本處官員軍民之家及社學俊秀無過犯子弟選補六年令府學一年貢一人州學三年貢二人縣學二年貢一人遂爲定例十二年奏准

令生員常額之外軍民子弟願入學者提調教諭考選俊秀待補增廣名缺一體考送應試成化三年令衛學四衛以上軍生八十人三衛以上軍生六十人二衛一衛軍生四十人不及者不拘有司儒學軍生二十人正德十年奏准都司衛所學原定一年一貢者與設廩膳增廣生員各四十名原定三年二貢者與設廩膳增廣生員各三十名原定二年一貢者與設廩膳增廣生員各二十名通行提學官考補以後於優等內照例考選充貢有

多餘者俱作府學不堪者不必取足萬曆十一年
題准各提學每歲考校入學務要不失原額間有
他故巡歷不周次年卽行如數補足其地方果係
科目數多就試人衆則於定額之外量加數名但
不許倍於原數如乏才之處亦毋得因而一槩取
盈

皇清順治初考試童生進學不拘額數四年定每考
童生六學進四十人中學二十五人小學十二人
十五年定六年內止許隨歲考進童生二次其隨

科考停止十七年定大學進十五人中學十人小
學五人武學如之十八年定科歲兩考歸併一考
定貢例府三年貢二人州二年一人縣三年一人
康熙元年停貢二年以策論考試七年停止策論
復以八股考試八年復歲貢定府學一年貢一人
州學三年二人縣學二年一人九年督學道董公
朱袞請於部定中學進十二人小學八人十年復
恩拔副榜等貢府選拔二人州縣一人十二年復
三年歲科兩考進童生二次

鄉飲

戴夢熊曰國家制禮鄉飲為重所以隆齒德端風
 化也陽曲附郭統于郡守此典久已廢弛雖前郡
 守有志復古然僅敦請大賓一人大賓外所謂介
 賓衆賓者何人乎雖然曠十數年而不舉則禮廢
 舉而不得其人則禮壞壞與廢其失也均後之舉
 斯興者慎擇得人勿使朝登筵而夕物議庶於典
 禮有光矣志鄉飲

按鄉飲酒禮每歲正月十五日十月初一日於明

倫堂行禮以府正官爲主位在東南以致仕官爲
大賓位在西北以府貳爲僎位在東北以賓之次
者爲介賓位在西南以教授爲司正主揚觶以行
罰位在主後以介賓之次者爲三賓位在大賓後
以僎之次者爲三僎位在僎後以鄉里年高有德
之人爲衆賓位在正西以縣官府首領縣佐貳縣
學教官爲僚屬位在正東以老成生員爲贊禮先
期主人陳設坐次司正率執事習禮至日黎明宰
牲具饌主人率僚屬司正先至遣人速賓賓至出

迎于庠門外三揖三讓升堂兩拜就位執事者引
司正詣堂中北面立賓介以下皆立司正揖賓介
以下皆報揖執事者以觶酌酒授司正司正舉酒
曰恭惟

朝廷率由舊章敦崇禮教舉行鄉飲非爲飲食凡我
長幼各相勸勉爲臣盡忠爲子盡孝長幼有序兄
友弟恭內睦宗族外和鄉里無或廢墜以忝所生
讀畢司正飲酒飲畢以觶授執事司正揖賓介以
下皆報揖司正復位執事者舉律令案於堂中讀

律令者詣案前北向立賓介以下皆拱立讀曰大
誥鄉飲酒禮叙長幼論賢良別姦頑異罪人其坐
席間年老有德者居于上淳篤者次之以次序齒
而列其同類者成席其有曾違條犯法之人列於
外坐不許干與良善之席王者若不分別致使貴
賤混淆察知或坐中人發覺主人坐以違制姦頑
不由其主紊亂正席者全家移出化外的不虛示
嗚呼斯禮始古先哲王之制妥良民於宇內亘古
至今與者鄉里安鄰里和長幼叙無窮之樂又何
言哉吾今特申明之從者昌否者凶再讀律曰

大清律一款凡鄉飲酒禮已有定式違者笞五十讀
畢復位執事者舉饌案至賓前主人獻賓薦脯醢
設折俎賓酬主人如之獻介僕介僕酬皆如之各
就位坐工入升歌鼓瑟歌鹿鳴四牡皇皇者華三
終工告歌備乃徹饌賓主兩拜訖又賓介僕衆賓
拜訖送賓三揖出庠門而退

李方苞曰按陽曲鄉飲酒禮統于府學廢弛已久
大清康熙七年十月知府秦公宗堯舉行一次請賓
至學因接撫院未果十年十月知府周公令樹舉
行一次請賓原在通政司右叅議裴希度十一年

正月舉行一次請賓原任江南徐州豐縣知縣閻
昭余兄方秦時署郡庠考定儀注誥律宴圖俱存
府學附記

鄉射

戴夢熊曰志鄉飲而次以鄉射者何攷二義載諸
戴經蓋於憲老乞言之餘籍以敦崇禮讓耳明朝
稽古準今留心鄉飲鄉射名義尚有存者方今憲
乞之典猶有時舉行而鄉射之禮知者竟鮮復之
果在何日耶志鄉射

按鄉射禮每逢射日先期戒射定耦選職事司正
一人副司正一人司射二人司射器一人請射一
人舉爵一人收矢一人執旗一人樹鵠一人陳設

訖至日執事者入就位請射者引主射正官及各
官員子弟士民俊秀者各就品位司射器者以弓
矢置於各位及司射前請射者詣正官前揖畢引
屬官以下詣司射器前受弓矢訖復位司正執筭
入立於中後請射者詣司射前曰請誘射引司射
二人耦進各以三矢摺於腰帶之右以一矢挾於
兩指間推年長者爲上射年幼者爲下射上射先
詣射位向鵠正立發矢每中一矢司正書中投筭
置於中舉旗者如所射應之射畢退立於傍讓下
射者詣射位如前射訖請射者引司射二人俱復
位收矢者收矢復於射者司正取所置筭畢請射
者次請士民俊秀射次請官員子弟射次請品卑
至品高者射其就射位發矢書中投筭舉旗復位
收矢取筭一一皆如前儀既畢司正副司正各持
筭白中於主射正官舉爵者酌酒以授中者飲之
中的者三爵中采者二爵飲訖請射者請屬官以
下奉弓矢納於司射器者還詣主射正官前相揖
而退

射圃 在敬一亭西今為水池

觀德亭 在射圃中正北今廢

李方苞曰按記曰合鄉射鄉飲之禮而孝弟之行立矣今儀禮全文不能盡復即會典所載亦久不行何以教民禮讓乎謹錄大畧以存執羊之感

義學

戴夢熊曰前代有社學每里設一塾官為延師給之廩餼以教貧民家子弟甚盛事也陽曲三晉首邑邇來人文稍遜揆厥所由毋亦社學未立故讀書之士少乎爰倣前人之意不襲社學之名謂之曰義蓋欲為師者歸斯受之也若曰以是彰長吏之義則非余所敢居矣志義學

東路義學 在地藏庵內
中路義學 在黃帝廟內

南路義學 在巡撫白公祠內
南關義學 在狄梁公祠內

西路義學

在忠烈祠內

北路義學

在會光寺內○以上六處義學俱康熙十六年知縣戴公夢熊立

義學田地

共計地七頃一十八畝三分五厘除正供外租穀俱義學師收用○康熙十八

年知縣戴公夢熊置

李丕承曰自社學廢後貧家子弟苦於延師多至失學愚鈍者無論已卽有俊秀亦付之無可如何耳邑侯戴公下車以來首設義學六所東西南北各一區敦請名士各一人俾附近者得以就教師之館穀捐俸辦焉近始設立學田以贍之其從學童子各有資給燈油煤炭試卷不時頒發鄰邑童子就學者衆一切館穀等需俱公料理真數十年來未有也使後之司牧於茲者人人盡如戴侯又何患晉陽人文之盛不如古昔哉

作養

李方秦曰國家建官置吏一爲愛養百姓一爲培

植人才蓋今日之士子卽異日之官吏也昔賢教

育鼓舞勤勤不倦或資以金或贍以田總期養成

廉恥不負國家異日之用耳今雖莫可考詰然當

年殷殷之意至今晉人士猶傳頌焉吏茲土者尙

其倣而行之勿使古人專美於前也志作養

三立書院

卽三立祠祀晉中先哲名賢者又爲考院詳建置志並祀典志明崇禎年間督

學袁公繼咸選取全省各學士子中之可造就者讀書於中館穀皆公設處舍不能容者分居城內

寺觀蓋千餘人三日會文一次公親為提撕一時
 誦讀之聲遍省會焉丙子一榜名臣大儒節義文
 章表表當時者指不勝屈科目之外矯矯不群者
 亦不乏人皆公之所培植也諸生有疾臨榻問之
 尤見公真
 懇之誼云

三院觀風

撫院按院鹽院下車後皆有觀風額設
 經費今裁○康熙二十一年按察使庫
 公爾康特舉觀風之典捐資賞給獎拔孤寒一時
 薪想起色誠數十年之曠恩也

月課季考

學道月有課知府知縣季有考卷賞皆
 有綱銀今裁○自康熙十七年知縣戴
 公夢熊舉行月課每月二次捐俸館穀至今不輟
 又康熙二十一年同知黃公良驥捐資季考品騰
 公平闔郡
 翕然鼓舞

秋闈起送

時值秋闈先期卜吉設席於明倫堂邑
 令學官對坐諸生左右雁行序坐宴饌

作樂併優各奏預報元魁之曲遊畢香花披紅
 送卷價預備驛馬彩旗鼓樂前導送至大城奎光
 樓上仍復執爵鼓勵奏樂如前名曰賓興自額設
 奉裁卯酉三闈竟闈然削色壬子歲知府周公令
 樹知縣邢公振岳捐俸舉行止赴府學給卷價而
 已戊午歲知縣戴公夢熊盡復舊例大典有光
 歲試發落舊例士子歲試畢有賞給銀兩後奉裁
 第唱名發落而退康熙二十一年學使
 楊公素蘊衡文三晉尅期考竣力杜奔競發落日
 各按等第捐給銀牌斥居殿末者寥寥數人而已
 其憐才愛士前不多見聞公為御史日首劾吳三
 桂有不臣之跡朝野駭愕及三桂叛亂人服公之
 先見且剛介不撓
 之性有如是也

養廉資金

明巡按趙公文炳發銀二百兩汪公
 以時發銀二百兩學道周公繼昌捐
 俸銀八十兩作子母錢每歲加二取息以贍青衿
 諸生甚利賴之今無可考

書院贍田

明巡按涂公宗濬發銀三百四十兩置南關外蠡蠟寺左右地三頃後因不足

又發銀七十七兩置楊家峪村地五十九畝充作學田備作養師生之費今無可考

常平學倉

明庚戌歲晉饑學道王公三才因貧生告賑乃議立成法查得空月廩銀原係

本道供億支用據本府見報者計一千七百六十

二兩有奇分發府屬各州縣學多寡不等充糴穀

本照常平法收放止許生員平糴不許包攬以致

乾沒併禁借貸委積朽蠹併收放失時諸弊具請

撫按俱名仍自為記勒碑紀事今無可考

歲給燈油 舊府縣兩學撫院於每年冬頒銀一百兩或八十兩為生員讀書之資此典行之蓋已久矣而劉公弘遇自公如梅尤為加厚為國家培養人才前人實有深意諒不在一錢一鉢之惠

學田

戴夢熊曰學田亦作養之一端今莫可考但縣有

卷后有記四至坐落鑿鑿足據存之以表前人厚

士之澤可也志學田

縣卷

陽曲縣為耕糧等事蒙糧儲道詳允通減二

鳴堂告紙穀銀一錢五分工價銀一兩二錢王詔

告紙穀銀一錢五分工價銀一兩二錢依律的決

二名賈應根僧因文告紙穀銀一錢五分其學田

地五頃九十一畝八分斷令租頭黃國才等種租

不等黃國才二十四畝傅紳十七畝武世河九畝

禮七畝賈朝倫五十畝租頭王詔等分租不等王詔等一項三十畝賈朝書賈朝麒賈應根八十四畝三分何鳴堂四十一畝僧因文五十畝賈朝卿七畝周廷瓚七畝何朝祿八畝何朝儀四畝榮宣五畝何秀五畝各每年每畝輸租穀五升共租穀二十九石五斗九升上倉以資會課作養之用取實收併認狀一樣三張繳西村黃國才呼延村何鳴堂等分租學田四至開明刻立石記以垂永久石記 陽曲縣為立學田認租種以資作養事萬曆三十四年五月初九日蒙欽差提督學政山西等處提刑按察使司僉事周批本縣申前事蒙批前地既係無主候糧道詳示繳蒙此又蒙山西等處承宣布政司清軍帶管糧儲屯田道布政使劉批據本縣人何鳴堂等告為辯糧等事仰陽曲縣查報該本縣覆審前情明白招詳本道蒙批原非有糧之地今入官為學田而黃國才何鳴堂等又分種之租穀且輕土民兩利也處分最妥依議何鳴堂等贖其地仍當立石久照農永該縣之美

政良法也宜收認狀繳蒙此查收有各個戶認狀在卷擬合刻立石記以垂永久施行今將黃國才等原認租種學田地二項五十畝五分各開立界石東至翟村地界南至河渠西至稍塢北至本村地界其地內除與呼延村賈朝倫五十畝何鳴堂等分認租種學田地三項四十一畝各開立界石東至翟村地界南至王詔地界西至稍塢北至河渠

曲縣志卷之七

政令志

二

戴夢熊曰刑罰者古先聖王不得已而用之者也
 善為治者必先明其法制著為令甲俾賢知日習
 教化之中涵濡德器罔有僻行即愚無知者亦令
 守科條而莫之敢渝陽直雄都大邑夙稱守禮之
 地邇者風俗澆漓富者習為奢靡貧者恥其儉嗇
 禮制弗明訟獄繁興戶鮮誦讀之子家無紡績之
 婦流弊至此亦大可慮矣夫有司奉

天子命教養一方是其職也舉大綱以及條目是其政也化行而俗美弊革而利興有專責焉無容諉也余自蒞任以來念切教化凡所舉行悉稟奉列憲德意余不過承流宣化而已敢以政令屬之余哉太史公循吏篇曰法令所以道民也刑罰所以禁奸也奉職循理亦可為治願與後之君子共勗焉作政令志

目錄 計二條

鄉約

申詳

鄉約

戴夢熊曰書曰歲孟冬道人以木鐸循於路官師
相規工執藝事以諫不恭有常刑禮曰養耆老以
教孝卹孤獨以逮不足上賢以崇德簡不肖以絀
惡不率教者左右郊遂移之今之鄉約卽其遺意
也邇來六言不講爲鄉約者僅効奔走供使令而
已揆厥由來豈一朝一夕之故聞前令宋蒸庵刊
行鐸書慨然有志復古至今晉陽傳誦今
聖天子廣頒訓諭一十六條俾斯民共登仁厚之俗

余實有化民成俗之責其敢泄泄從事哉志鄉約

聖諭

陽曲縣敬刊令居民實貼門首勸諭男婦老幼但能時刻仰看遵行共化美俗可免災禍

孝順父母

尊敬長上

和睦鄉里

教訓子孫

各安生理

無作非為

康熙十九年十月初九日奉

上諭諭禮部朕惟至治之世不專以法令為務而以

教化為先其時人心醇良風俗朴厚刑措不用比

屋可封長治久安茂登上理蓋法令禁於一時而

教化維於可久若徒恃法令而教化不先是合本

而務末也近見風俗日敝人心不古囂陵成習

濫多端狙詐之術日工獄訟之興靡已或豪富凌

轢孤寒或劣紳武斷鄉曲或惡衿出入衙署或嘉

棍詐害善良萑苻之劫掠時聞讎忿之殺傷疊見

陷罹法網刑辟必加誅之則無知可憫宥之則憲

典難寬念茲刑辟之日繁良由化導之未善朕今

欲法古帝王尚德緩刑化民成俗舉凡敦孝弟以

重人倫篤宗族以昭雍睦和鄉黨以息爭訟重農

桑以足衣食尚節儉以惜財用隆學校以端士習

黜異端以崇正學講法律以警愚頑明禮讓以厚
 風俗務本業以定民志訓子弟以禁非為息誣告
 以全良善戒窩逃以免株連完錢糧以省催科聯
 保甲以弭盜賊解離忿以重身命等項作何訓迪
 勸導及作何責成內外文武該管各官督率舉行
 爾部詳察典制定議具奏特諭

陽曲縣為講約化民事竊照本縣莅任六年無刻
 不以移風易俗為念是以鄉約一事遵奉 憲行
 不啻諄諄提命誠恐人心易怠泯沒夫良合再力
 行講勸今將講約事宜重逐款注解刊刻分發勸
 諭開列於後

朝廷設立鄉約講明六諭原就爾百姓日用切實約

事務實心講究務俾

身體力行本縣蒞任茲士

在愛民但願爾百姓

身做好人日行好事和氣薰

蒸豐年呈瑞便是心

中第一樂事矣為此仰各

鄉保鄉約軍民人等

悉查縣境鄉約所原有九

十三處着逐一

縣果有明破逐一修葺每

約各報鄉約正副各

一人照依

題准事例公舉六十以

上表項生員行履無過德望

素著者統攝若無生

員即以德望耆民統攝每遇

朔望宜明六諭開導

愚民其後開各款注解俱本

縣委曲勸導鼓舞力

行之意仰通行知照○各款

注解文

繁未載

申詳

文耀斗日人文之盛衰風俗之淳漓其振興而傷
率之者惟上之人是賴而親民之官莫如邑令故
教育愛養莫不致望於樂只君子焉然父母之於
子弟非不能訓誨之撫摩之而實心爲民者則又
往往藉諸憲威以行教令夫然後利可永興害可
永除此所以有申詳之文也陽曲昔多賢侯其善
政之著於簡牒者志中不載一二將使良吏諄諄
請命之苦心概爲湮沒吾竊慮其無以勸後之人

矣志申詳

舉行義學詳

知縣

戴夢熊

浦江人

為申請舉行義學作養人文以廣
澤事昇縣係省會首邑歷覽志乘名教將相代不
乏人昇職到任以來每思訓士教民振起文風仰
副 憲臺興隆教化之意自蒙 學道行牌科舉
昇職遵卽出示考試因儒童投到寥寥隨卽牒行
儒學喚集保結廩生傳諭鄉城童生赴考及點名
造册僅止二十五人除經選錄榜示送府外伏念
晉省為文獻名邦何至文教廢弛儒童零落揆厥
所由總因地瘠民貧五方襍處或慕商賈之奔馳
將本求利或效庄農之胼胝儘力營生因此拋棄
詩書停止終謂以儒冠為誤人之具視禮義為身
外之物年復一年愈趨愈下必至開蕩者耽於
賭克暴者習為打樵父兄之教不先聖賢之書盡
廢風俗敗壞莫可砥礪卑職承乏茲邑心切興
廢

請將義學三款上陳

憲聽

一曰會城之義學當卽為舉行也古者黨有庠術
有序人生八歲無不聚而教之矣今晉省無一義
學讀書之種子如何培植也查會城街衢濶遠宜
置義學十所教訓合城子弟但與一事必有一費
豈能旦夕就緒擬先設義學四所每所請通儒一
人每人給與館穀若干兩其房屋總在祠堂寺院
之內打掃整葺其館穀報明 憲臺酌量設處卑
職亦捐資相助如此則會城挾書誦讀蒸蒸向化
風俗為之不變矣伏候
憲裁

一曰村庄之義學當廣為勸諭也查陽邑壑溝堡
寨村落窳站東西二百里南北百五十里豈能遍
立義學但其中仍有素封之家設塾延師冀望子
孫讀書識字者仰祈 憲臺出示勸諭俾令捐去
形迹善與人同如一家有師長一人卽令合族幼
童公同受業廣而至於親戚異姓皆然此卽村庄

中現成之義學也本戶果能獨力承任或一二年
兼任鄉約地方報明 憲案紀其功績三年五年
之內給扁獎賞又如一村一鎮有通儒幾名內有
願捐空閒功夫以興一方教化者鄉約地方亦即
報明 憲案給扁獎賞如此則人人勉於勸課因
勢利導而合縣有無窮之義學矣伏候
憲裁

一日能教子弟之人當即為鼓勵也蓋子弟肆力
學問將來功名遠大顯親揚名何可限量乃愚民
視為畏途者正以就學之時書卷筆墨緜張有費
茶湯飯食有費長大衣服出入街衢有費至於幼
小子弟風雨晦冥率賴父兄往來迎送精神心力
之費不知凡幾就中學成者甚少半途而廢者甚
多此父兄之所以灰心也今宜立一勸導父兄之
法查義學中文字完篇義理稍通者即便登記姓
名將伊父兄襍差概與豁免另有詞訟過犯亦量
免村責至於儒久自貧嗣後編審之年讀書童生
丁差門則量與減除如此則人人知讀書之可貴

學向上不賞而自勸矣伏候

憲裁卑職初任書生一應文移吏治足國裕民之
道全未曉了豈敢以教化為已任但當右文之朝
聖天子致治作人宵 憲臺首先倡率出出愚民誰肯
舉行盛事自非 憲臺俯鑒愚誠持堊採擇批行各府
仰遵伏乞 憲臺文翁之教化可使全晉從風實
州縣一體與舉庶 公奕世矣為此今將前由理合
民之義庄還見三 申伏乞 照詳施行
開具書冊一併上 督糧廳批每見晉俗克毆人命忘身及親至死不
顧者總由教化不行之故該縣首倡義學三款均
關名教各州縣自該一體與舉仰候各憲批示行
繳

清軍廳批教化固致治之先務誠能舉行甚善候
各憲批示行繳

本府批省會重地該縣舉行義學啓迪愚蒙深可
嘉尚所議三款仰候 各憲批示行繳
督學道批該縣新創發何留意作人誠今之卓魯

也所詳三款實可見諸施行義學之設尤不容緩至於勸導父兄之法免其襍差寬其過犯皆良有司力所能為者若減除讀書童生丁差此係國課恐未可輕議也館穀之費本道酌量捐資共成盛事仍候 撫院批示行繳

糧驛道批振興學校教化攸關豈曰小補該縣實心實政良有足多第酌量設處務必籌為盡善斯絃誦之雅得永賴焉仰候 撫院批示行繳

按察司批據詳舉行義學教育卑寒具見該縣興行教化仍候 撫院批示行繳

布政司批仰候 撫院批示行繳

義學覆詳

前人

卑職復看得義學之設事關教化今奉 憲臺駁批示下卑職安敢以一邑之私事上費各憲臺之錦心但卑縣係省會首邑凡有舉行無事不仰徽 憲臺之督率令就卑職心力之可

者自為料理其一切鼓舞勸諭仍須仰仗 憲恩居高而招庶百姓樂於率從而文翁之化可成矣一卑職原詳內有會城應置義學十所先設四所一款今議得義學房產不須另建止須擇祠堂寺院衝要潔淨者打掃修葺其卓椅筆硯着令學生自備館穀則係卑縣自行設處昨儒學公議有延請名師每人二十四兩之說四所義學每歲館穀九十六兩此項卑職自當捐資料理不敢絲毫仰費 憲心者也至於卑職治邑之暇親赴義學內查其勤惰讀書者背書一二章作文者令作破承起講一二個事完即出而季考月課之費一槩可省矣一卑職原詳內有村莊義學當廣為勸諭一款今議得四野村莊真讀書之子弟少要識字之子弟多觀省下與考童生寥寥無幾而充吏典充書辦赴縣取結者不一而足正以鄉民識字亦可為活命出身之地也今宜因勢利導勸令讀書則鄉民之子弟俱可學成名立矣且如一村中有延師讀書者俾宗族鄉黨咸得附從仍令少助

修脯倘有真正窮苦但能誦讀不能幫助分文而
 本家情愿容留一體教誨者此為好義之民自應
 登記獎賞又如本村中有好義通儒情愿教誨生
 徒不收館穀者亦應登記獎賞夫獎賞之法不過
 卑縣備有扁額張掛本家門首然必先奉
 憲臺示允則本家張掛十倍光榮此不得不由請
 者也一卑縣原詳內有教子弟之人當急為鼓勵
 一欵正以父兄之教不先則子弟之率不謹不得
 不尊隆其父兄以為勸導之本也但尊隆之法惟
 有酌免襍差一事查造鄉城義學共幾所每所學
 生幾人內有聰明穎悟可望上進者又有沉潛向
 往文字完篇者登記父兄姓名將一應襍差量與
 酌免此外戶婚田土之事涉及訟案寬其朴責加
 以霽顏則人人知讀書之榮貴而父教其子兄勉
 其弟矣至儒久自貧將丁徭門則許為寬減則五
 年內未經編審之家咸有欣欣向榮之望而且隆
 其禮數擇其中之年高有德者尊之為鄉約長復
 尊之為鄉飲賓名實兼隆更相勸勉數年之後家

誠戶請之聲必有奕然可觀者

憲恩培植道同生成必祈主持批示爰使教澤無
 疆不得不併申請者也以上三議卑職原為人
 文寥落起見早作夜思冀得振興文教伏乞
 憲臺俯賜轉詳俾三晉朴陋之風咸有芻魯聖賢
 之慕地方幸甚卑職幸甚

本府轉 布政司

布政司轉 院查得陽曲縣因應考生童寥寥故

有設立義學鼓勵勸教之舉蒙

憲批司查報隨行據太原府詳覆前來查會城設
 立義學在於祠堂寺院之內選擇四所教訓生童
 其館穀俱係該縣自捐如有村庄好義延師及不
 受館穀者該縣仍給扁旌獎此皆為振興文教起
 見事關美政似應准從如量免朴責乃尊崇父兄
 勉教子弟之意亦可照行至除豁襍差恐日後滋
 虧正供無庸議及者也相應呈詳合候

本院批示遵行

巡撫士 批如詳行繳

煮粥賑濟覆詳

前人

為敬陳平糶救荒之策溼懇通行各屬以濟時艱
 事卑縣覆查看得煮粥賑濟一事卑職遵奉
 列憲已饑已寒之盛心敢不竭蹶以求賑恤但點
 金無術綿力幾何是以詳請 憲天勸諭文武各
 官量捐銀米共襄盛事又恐捐助有限所濟不敷
 因請動賑濟銀兩實卑職不得已之極思也今蒙
 撫憲鈞批前賑大同存剩銀兩已經
 題請煮賑太大二府極災饑民不知尚有何項賑濟
 可動卑職伏讀之下蓋所請動賑款項即係前賑
 大同存剩之銀緣未知 撫憲
 題請分撥故冒昧具詳此外別無可動之項矣惟是
 卑職竊念省城為通衢大地五方襍處凡窮民之
 無告而流亡者皆恃省會為歸依非若僻邑窮鄉
 戶口屈指可數此卑職前詳謂被災之處遷徙流
 移其民易散成熟之處依歸就食其民易聚一聚
 一散相去較懸省會饑民實視他邑亦多數千百

俾如近來 京師賑濟非謂年穀不熟僅止京師
 亦非止賑 京師之民而膜視於外郡良由京師

廣大饑民群聚者衆耳茲太原省城雖非 京師
 可比然秦豫齊趙踵接紛來既不可疾視其死而
 不救復不可分別遠近而向隅卑職再四思維祇
 深竦愧合無懇請 憲天飭行勸助或仍將

題請太大二府分撥煮賑銀兩量留多寡則多一分
 民受一分之賜抑卑職更有請者目今時值隆冬
 雨雪載途鳩鵠餓莩體無完衣食無充口見在凍
 餒而斃者逐日累見若嚴冬府至此輩必無復生

卑職目擊心傷將已死者備棺掩埋插牌招認其
 餘南關貨店置買柴炭令其存身歇宿然不過免
 一時之寒苦不能濟罄罄之饑餓不過存什百之
 暫在不能救源源之蠅集茲卑職擬於十一月初

一日勉力捐資先行煮粥誠恐外處人民一聞賑
 粥之信攜妻挈子羣來仰食將力有不繼不能遍
 及匪特不能救生而反以致害伏乞
 憲臺行文各屬州縣俱皆設法賑恤本境饑民務

令各有仰賴勿使越境散亾則授食省而利用分
保恤多而功施溥遐邇頌
憲天深仁厚澤無窮期矣
本府批仰候轉詳行繳

煮粥報竣詳

前人

為饑民之流移堪憐異境之官員當恤共矢惻隱
共保殘黎事奉

本府帖文蒙
布政司憲牌蒙

巡撫穆 憲牌照得今歲早魃為虐電霜疊見五
穀未登於原野八口啼饑於室家而雲鎮三關地
處邊陲荒殘尤甚所在災民鳩形鵠面宛似黎丘
之鬼蒙袂輯履盡成楚女之腰資身無策攜妻子
而之四方者比比而見本院前任藩司時雖經前
院倡捐賑濟但杯水車薪能濟幾何今本院再四
思維被災饑民背離鄉井越食他處目今時際隆
冬饑寒交迫若非地方官加意存恤而越食殘黎

不至盡填溝壑不已也言念及此殊可惻惻合
申飭為此仰本司 官吏廣發慈祥節省已用糶米
煮粥賑濟以延殘喘若果野無饑莩胥慶有生是
即該縣為

國家培邦本為本院釋焦思如是之官本院自不靳
題叙以酬爾之良法美意也蒙此該卑縣查得去歲

不時小民顛躓蒙
列憲倡捐煮賑全活窮黎歡聲載道卑職待罪民
收仰承 列憲浩蕩之仁敢不實力奉行兢兢罔
懈自蒙 憲示卑職即於南北兩關設立粥廠三
處賃房五所以為流民棲宿之地於康熙十九年
十月初一日起每日食粥貧民一千以外不等至
二十年三月初一日止共賑過貧民一十一萬九
千二十七名口計用米八百一十餘石外柴薪煤
炭以及蔣草碗筋等物共用銀三百六十餘兩省
會之地就食者眾以故較之他邑不啻十倍為費
繁多但皆卑職拮据措備此下吏之職分無足瀆
陳但蒙 列憲倡捐率屬又奉

撫憲鈞檄申飭今遵行告竣理宜回覆合請
憲臺核奪轉詳為此今將前由理合開具書冊一
併上申伏乞 照詳施行
本府批賑饑救荒發施慈筏足見該縣上體
憲臺軫恤之心下念子民流離之苦此所不負
國者不負所學良足嘉尚仰候彙詳繳

鄉約六條申詳

前人

為敬陳興除未議以備 採擇以利民生事竊惟
人情好逸而惡勞風俗戒奢而尚儉雖肥瘠澆淳
不一亦司牧者所宜盡心也晉中地僻民貧山多
土薄既無生殖復鮮蓋藏男不經營女不紡績安
常習故此比皆然且晉地少雨歲無全獲一遇荒
歉則滿野哀鴻流亡轉壑而僅存之士著未懷永
圖續祀淫祠極於糜爛釀錢張樂殆無虛日將蠶
蟀勤儉之風轉而為怠惰皆窳之俗良足悲夫卑
縣待罪親民於茲六載幸逢
憲仁煦德煥休息培養歡聲載道雖卑職才

不臨深履薄彈竭愚忠固知尸素曠職之愆叢脞

山積所賴

列憲汪洋德意天包地容豈曰兢兢無過實於

列憲照臨之下有不能逃於洞鑒者焉謹將遵奉

列憲飭行事宜略叙梗槩竊附芻蕘伏祈

採擇以為遵守具列於左

一風俗之美惡繫乎人心人心之向背由乎訓迪

古處江河日下狙詐颺起影撇雲興嗜利輕生好

剛健訟良由父兄之教不先子弟之率不謹寡廉

鮮恥而俗不長厚也卑職遵奉

列憲講約之令箋釋 六論刊刻

論十六條躬行講勸又以村莊遼濶愚民觀聽難

周每鄉選擇衣頂生員或碩德耆老務期優通明

理民望所欽令其剴切詳明反覆開導仍將刊刻

論按戶分給各一張俾鄉民聽講之後得與家人
婦子互相傳誦又將見今一應奉

憲遵行之事如設立義塚施捨棺木載拾暴骨收
養遺孩禁誡鬻身甚嚴逃盜凡可風厲民心者悉
附講約之末不時開說是以數年以本頗已歸真
反樸不無可觀此實

列憲仁摩義漸涵煦化育之深故卑職得於一講
約間而民心之響赴有如是者但
列憲喬遷有日卑職任事難期竊恐遊人講約及
立塚給棺掩骼恤孤義學課士之政久而漸廢非
奉

列憲批飭存案不足以示有成而垂永久也伏候
憲裁

一保甲之法雖肇自管子而我

最重其中游手好閒有禁左道邪蠱有禁胙篋禦
貨有禁蕩檢比匪有禁舉凡越禮犯分之事十家
鄉保鄰佑皆得互相譏察否則一體連坐法令綦
嚴誠道政齊刑與講約一端相須而並行者也即
如逃人一項其服飾語言既與齊民有別踪跡所
至何難一望而判近奉

撫憲嚴飭謂逃捕者多而報獲者少卑職稟
儆惕敢不悉陳伏念卑職奉 憲飭行保甲刑罰

千家牌挨門逐戶刊刻稽查六年之內頗幸民安
盜息如張文一案旗人行劫旋即就獲其他緝拿

逃人賭博棍徒假銀歷歷在案又如驅逐流娼狎
邪遊方匪類不一而足業已境內肅清然省會重

地屬在 列憲耳目之下故發蒙振落爲法易行
誠恐窮陬僻壤頑梗如故伏請

列憲給示嚴飭俾卑職行查保甲之際宜揚德化
共仰 聖世於變時雍也伏候

憲裁

一古來農桑耕織民食之源不可偏廢即江浙一

帶風稱財賦重地亦不過絲麻布帛爲利居多今
三晉廣種薄收地利已爲最下而獨於紡織一事

猶可農末兼資何條桑載績之章竟不歌於唐俗
也况潞紬黃絹飛花土布晉中不乏是晉亦未嘗

不知紡績也皆緣憚於勤勞而安於懶拙故女工
曠廢則習俗可知茲卑職已先造紡車一百步分

給四鄉有力者聽其自造貧乏者仍給木棉按月
稽查驗其勤惰如工多完早倍值賞給偷安妄報
量治夫勇一面仍示諭栽桑俟蠶時另行勸教亦
興民利之一端也伏候
憲裁

一博厚生物原自無窮木屑竹頭皆爲有用故十
年之計樹木任地重於養材安有以自然可興之
利而不知所以求之也夫五穀必宜於土耕耨播
種爲方甚勞上有維正之供下有田租之課獨桑
槐榆柳等木隨地可栽易生而不煩灌溉三年之
後椽梁器皿以及柴薪咸資取給既無工本之費
復無租稅之征况果品爲服食之需而桑拓爲養
蠶之用長途可以蔭日近水可以防堤又何惜舉
手投足之勞而不思長享其利益耶茲卑職已經
勸諭各村鄉保鱗次栽種各色樹木仍不時察其
成活多寡以別勤惰以爲懲勸應否可行伏候
憲奪

一春秋祭賽歲有恒祀雖屬居民田畯報功之典

而蘋蘩可薦黍稷非馨原不在於翻羽安姿博碩
肥腴方足盡其誠敬也乃晉中邇來城市鄉村動
稱有會靴鼓之淵淵相望女曰觀乎士曰既且非
特糜費金錢亦且眩惑衆聽况人稠襍處譏察難
施不無酗酒爭鬪之虞抑有掏模剪絡之弊而博
徒賭棍奔走如驚多因之以爲叢藪甚至挈家既
出則盜賊生心男婦溷淆則奸人屬目誠非所以
端風化而靖地方者也合無申請
憲飭今後凡祀典所載明神方許獻酬祭唱亦須
務崇儉樸不得招集遠方趕趁之人仍嚴督差役
鄉地巡查如有婦女往來及賭博棍徒異端匪類
概行屏逐其無名祠宇雖爲一鄉之土穀亦但令
其焚香頂禮不必招搖祭賽於以節民力而返淳
風不爲無補伏候
憲裁

一歲有豐歉故穀有貴賤今有緩急故物有重輕
此管子準平之法也李悝曰糴甚貴傷民甚賤傷
農善平糴者上熟糴三而舍一中熟糴二而舍一

下熟糴一而舍一使民適足價平則止小饑則發
 小熟之所歛中饑則發中熟之所歛大饑則發大
 熟之所歛其說甚詳故社倉常平歷於經久而無
 弊然在今日不過僅存其名耳而晉中為尤廢是
 以歲或不登則市價騰踊而民有菜色憂時慮遠
 者不可不為豐亨豫大之謀也茲卑職願首倡捐
 輸以作為山之一簣其餘紳衿庶民量為勸助庶
 聚沙成塔積少為多次歲出陳易新以收息穀將
 見官有餘儲民有所恃即年饑而發賑俟豐歲而
 再收惟在委任得人使無侵耗之弊固管子之遺
 意也應否可行伏候
 憲奪以上數條皆
 列憲諄諄告誡卑職實力奉行非敢剽襲靡文妄
 希成效惟是小民難于慮始而任事鮮克有終卑
 職固陋之愚未知所擇擬合詳請
 憲臺鈞批採納且陽邑改在省會地方遼闊而滿
 漢兵五方雜處或令有難施不得不仰懇
 示中飭度已行有可以昭垂永久而未行

者得以遵行無違矣為此申詳

督糧廳批刊

聖諭保甲織紡栽樹正祀救荒六款皆切中晉陽之
 病而下藥石者也足見該縣四應長才經國計議
 調理縣治之事無不周詳矣着候

院司道府批示行繳

清軍廳批據詳經國遠猷字字碩畫誠先獲我心
 第古人富國之術商君未免乎刻荆公實同於苛
 惟唐劉晏察人情順地利度四方之遠近稽時價
 之軒低度幾近之若夫管子治齊俱體周官遺意
 霸道而濟以王道千古稱雄茲該縣以管子為法
 李悝為式就晉言晉因利而利實救時之良有司
 也仰候
 太原府批閱詳具見留心利弊軫念民瘼仰候
 各憲批示繳
 督學道批據詳數款俱今日三晉急務鑿鑿可行
 具見該縣留心民瘼興行教化之實仰候
 院司詳行實力舉行繳

糧驛道批據詳條陳數款足見該縣留心民瘼撫
 字有方洵稱良牧仍候院司詳行繳
 按察司批細閱數條深有教養相資之益具見該
 縣留心民瘼至意仰即實力舉行仍候
 撫憲 藩司詳行繳
 布政司批仰照 撫院詳行繳
 撫院穆 批據詳講約勸織等款皆深切時宜永
 遠可行具見該縣卓識苦心地方有賴均如議力
 行以觀成效仍通飭
 各屬一體遵行繳

請禁指命嚇詐詳

前人

為請申嚴禁借命居奇批勒永飭以除惡習事竊
 照晉中利弊蒙 列憲拊循之下興除釐剔卑慝
 得以次第舉行遵守弗替矣惟是狙詐之風其最
 甚者猶有借命居奇之一事蓋晉俗强悍尚氣輕
 生中輟無知或以勃谿諍語之嫌或以饑寒反目
 之憤動輒捐軀自盡服毒投繯風淒長夜之魂血

灑懸河之淚雖為不幸總屬天亾凡戚誼攸關正
 當哀憐慰悼何至蓋棺未定尋起操戈小則刁難
 停喪大則呼號求檢垂涎分潤羅織生端人死之
 謂何又因以為利豈惟生者傾家蕩產更令死者
 骨毀形銷按律內威逼致死者不過滿杖斷埋况
 事屬無因法所不究安得生為瓜葛死若讐仇哉
 且非特自盡者然也其或病沒情真毫無別故多
 有勒索孝布嚇詐不遂甚至疎宗遠戚稱未報喪
 聞計或未邀請祝殮稍不愜意吹毛索瘢踵門而
 有煩言排闥而毀器具明唆致訟暗結圖財是導
 斯民於幸災樂禍者也此風不戢長此安窮雖卑
 縣遵奉

憲行久經嚴禁近頗少熄誠恐日久成玩積習難
 移合無申請

憲臺鈞批禁飭刊刻永遵抑卑縣更有請者夫掩
 骼埋胔仁政所先比見鄉愚殘忍將殤折幼孩躓
 路拋棄亦有誕彌不能鞠育生擲道傍傷心慘目
 寧不有虧至性而干天和耶卑縣仰體

憲臺好生澤枯之德意除不時巡查死者立刻掩埋生者即令報縣給錢送養雖育嬰任重萬不能行然民胞物與若果互相勸勉遠者治罪亦足以存撫恤之一端耳合請

憲臺批示並飭以敦仁厚之風應否未敢擅便統候採擇遵行

清軍廳批尙氣輕生借屍居奇此晉中之敝俗本廳現在梨刻勸世文大聲疾呼未知得以喚醒此輩否茲據申請禁飭甚為要着至於掩骼育嬰仁政之急務足徵該縣以實心行實政以國事為家事誠斯民之幸甚仰候

本府批行繳

太原府批據詳具見畱心民命加意民風仰該縣多方刊布仍候通行合屬一體禁飭繳

陽曲縣志卷之八

武備志

戴夢熊曰先王寓軍政於四時之田教衆庶修戰法皆於農隙以講事蓋以天生五材不能去兵故殷殷簡閱焉矧稱

神京右臂者乎陽曲襟山帶河三晉首邑昔人所謂天下精兵處也往者闖寇長驅三關失守姜逆倡亂全晉震驚豈盡形勝不可恃哉良由備預不先則山川險阻適為敵寇資耳語云國雖大好戰必

亡天下雖安忘戰必危誠簡閱有方器械有具墩
 堙以嚴要塞以扼城堡以完而且芻糗無缺郵馬
 蕃息則進可以戰退可以守久安長治之道不在
 是與作武備志

目錄 計七條

教場

軍器

關隘

舖舍

堡寨

屯田

驛站

教場

戴夢熊曰教場闕武地也周制大司馬中冬教大
 閱然不時則傷農不地則害物菟苗獮狩有常所
 焉陽曲地近邊徼講武最急不有常所民何以堪
 余嘗考春秋列國講武咸有定地秦之具圃鄭之
 原圃皆是也然則教場之設其可少乎哉志教場

教場

在振武門外汾河東岸演武堂五間前牌坊
 一座扁曰振揚威武左右有官廳後有堂扁

日運籌帷幄東西列廂房演武堂下將臺巍然東
 西鼓廳箭道詰戎坊一座方圓計地五頃舊四圍
 柳樹萬餘株名萬柳營以汾水泛漲漂沒明巡撫
 李公景元轉石築堤用防水患 國朝順治十七

年巡撫白公如梅重築堤堰康熙十九年按察使
庫公爾康知縣戴公夢熊捐資並關帝火神二廟
一時
重修

軍器

戴夢熊曰禦暴保民惟軍是賴殺賊守陴惟器是
資軍器之重也久矣顧孫子一書爲篇十三其中
言劍戟戈矛甲盾干櫓之屬往往散見於各篇而
火攻獨有專論以火之爲用其功烈也昔人有言
曰以火佐攻者明以火佐守者猛余之紀器械而
獨詳於火者以此志軍器

東城一面自東南角起至東北角止

大小威遠等砲

二百八十九位

舊貯堪用火藥

六千五百斤

萬人敵 三十九桶
火礮 一千個

大鐵子 三百一十五個
小鐵子 一篋

小鐵羣子 一千個
生鐵炸炮 一千四百四十個

新發火藥 一千斤
鋒鎗火藥 一千斤

大小鉛穩口鉛子 一千四百二十四斤一十三兩

大小鐵穩口羣子 三千二百九十八斤

大火線 三千六百條

北城一面自東北角起至西北角止

大小威遠等炮 二百八十九位
舊貯堪用火藥 七千斤

萬人敵 三十九桶
火礮 一千四百七十個

小鐵子 一篋
新發火藥 二千七百二十斤

鋒鳥鎗火藥 七十斤
火線 七十條

大小鉛穩口小鉛子 二千五百八十五斤

大小鐵穩口 二千四百三十九斤

西城一面自西北角起至西南角止

大小威遠等砲 二百六十五位
舊貯堪用火藥 七千三百斤

萬人敵 四十桶
火礮 五千八百個

鐵蒺藜 半瓮
大小生鐵炸砲 二百個

生鐵羣子

二公尾又半篋

新發火藥

一千二十八斤

鋒鳥鎗火藥

二百斤

火線

一千六百條

大小鉛穩口

一千三百七十斤四兩

大小鐵穩口

七千三百三十斤

南城一面自西南角起至東南角止

大小威遠等砲

二百八十九位

火礮

三千一百八十五個

萬人敵

三十九桶

舊貯堪用火藥

六千斤

大小鐵子

二千七百五十三個

生鐵炸砲

三百個

新發火藥

一千二百二斤

追鋒鎗火藥

二百斤

火線

九千條

大小鐵穩口

三千六百二十五斤

大小鐵穩口小鉛子

二千八百四十六斤四兩

大小懸懸口小懸

關隘

張爾質曰鄭有虎牢棄而弗守春秋不繫之鄭罪
 鄭之不能有也夫一夫當關于人莫過有險不守
 其謂之何昔在五代晉陽一隅乃萃天下之兵力
 環而攻之者數十年雖云守之者固亦關隘之險
 是以自強也今天下一統至治無外然防患銷萌
 應有未雨綢繆之計焉勤繕修飭守禦寧得曰此
 緩圖也而置諸志關隘

天門關

在城西北六十里路通舊嵐管州宋設兵
 兵金置酒官今廢置巡檢司其東北崖陰

煬帝爲晉王時
所開名楊廣道

石嶺關

在城東北一百里忻州南四十里乃并代
雲朔要衝之路舊有戍兵金置酒官今廢

置巡檢司年久傾頽明萬曆甲午巡撫魏公允
從新修築砌之以石

舖舍

戴夢熊曰古者要害設戍沿途置堠一旦有警烽火
舉焉法至善也陽曲南接太原不及半舍東北
西北二處遠踰百里以外斥堠不密雖有天門石
嶺之險弗足恃矣前朝定制州縣設立舖司每十
里建一舍名之曰急遞義蓋有所取也矧近邊之
地如陽曲者哉雖今日四海永清舖司僅供文書
往來之役然昔人創制之微意不可不深長思也
志舖舍

總舖

在太原府前

老軍營舖

離城南三里

親賢舖

離城南十里接太原縣馬村舖路通徐溝縣西接太原縣南屯舖

狄村舖

離城東南十里接太原縣鄭村舖路通榆次壽陽等處

三交舖

離城北十里

新店舖

離城北二十里

陽曲灣舖

離城東北三十里

司土窰舖

離城東北三十五里

青蒿嘴舖

離城東北五十里

黃頭寨舖

離城東北六十里

栢井舖

離城東北七十里

馬舖頭舖

離城東北八十里

三和店舖

離城東北九十里

石嶺關舖

離城東北一百里

忻州雙
猴舖

趙莊舖

離城西北十里

故碾舖

離城西北二十里

向陽村舖

離城西北三十里

白坂舖

離城西北四十里

天門關舖

離城西北六十里

花板石舖

離城西北七十里

濶角舖

離城西北八十里

凌井舖

離城西北九十里

掃峪舖

離城西北九十里

大傅舖

離城西北一百一十里接靜樂

縣石

莊舖

堡寨

張爾質曰晉陽以北率多堡寨蓋倚崇岡深澗爲
 之大者可容千室小亦百家寇至入堡積矢石備
 器械蓄火藥隱然一敵國是家自爲守人自爲戰
 之意也承平以來頽圯者十且八九聞順治五年
 土寇萬餘下崛嶇掠呼延呼延堡內民協力拒守
 兩日夜得官兵勦殺此已事明驗也爲人牧者可
 不爲民計哉志堡寨

安民堡

在城西北八十里凌井驛周約四十四丈
 高二丈二尺厚一丈六尺

全民堡

在城西北六十里天門關周約八十五丈高一丈五尺厚一丈六尺

生民堡

在城東北八十里紅土橋周約二十四丈高如安民厚少讓以上二堡明崇禎末年

巡撫陳公純德建有知縣彭公而述碑記

高陽寨

在狄村東南十里

保寧寨

在城東南十五里馬莊

大興寨

在城東南十里太保莊

新寨

在城東南十五里馬莊

南山寨

在城東南十五里確家峪

永寧堡

在城北二十里新店

神腦寨

在城東北十里牛陀村

賈家腦寨

在城東北十五里交子頭

北寨

在城東北二十三里望頭村

槽關寨

在城東北二十里麥平村

蝎子寨

在城東北二十五里

蔡家寨

在城北三十里陽曲灣

武家寨

在岡底村

北山頭寨

在城東北十里

西黃水寨

在城東北四十里

東西高莊寨

在城東北九十里

蓮花寨

在城東北七十里石城村

青蒿嘴寨

在城東北五十里

黃頭店寨

在城東北六十里

清泉寨

在城東八十里大孟鎮

辛莊堡

在城東北九十里

故縣村寨

在城東北八十里

保安寨

在城東北七十里西萬壽村

范家村寨

在城東北八十里

泉溝村寨

在城東北八十里

大漢村寨

在城東北八十里

西店柳林村寨

在城東北八十里

東黃水村寨

在城東北八十里

天王寨

在城東北一百里水頭村

六郎寨

在城東北一百里楊興村

平立村堡

在城東北一百二十五里

石槽村寨

在城西八十五里

新城村堡

在城北十五里

故碾村堡

在城西北三十里

向陽鎮堡

在城西北三十五里

上碾村寨

在城西北三十五里

西城堡

在城西北四十里

翟村堡

在城西北四十里

蘭村堡

在城西北四十里

橫渠村堡

在城西北四十里

上薛村堡

在城西北四十里

鎮城村堡

在城西北五十里

白板村寨

在城西北四十里

西山石寨

在城西北六十里

凌井村寨

在城西北九十里

下嶺村寨

在城東二十里

窰頭寨

在城東北二十三里

掃峪村石寨

在城西北九十里

西小店堡

在城西北一百一十里

西莊堡

在城東北五十里

官莊堡

在城西北一百一十里

東青善村寨

在城北四十五里

小岡頭村寨

在城東北五十里

歸朝村寨

在城東北八十里

北路村寨

在城東北八十里

思西村堡

在城東北八十里

石嘴寨

在交立村

赤泥社堡

在城西北一百二十五里

龍泉村寨

在城西北一百二十五里

留村堡

在城東北六十里

蘭岡村堡

在城北三十五里

呼延村堡

在城西北三十里

張村堡

在城西北二十五里

柴村堡

在城西北二十里

楊家村堡

在城西北二十里
順治六年築

攝落村堡

在城西北二十里

三接村堡

在城西北十里

內城村堡

在城北十五里

成晉驛堡

在城東北七十

東泥屯堡

在城北六十

楊莊寨

在城東北一百里

善都村堡

在城東北一

南北溫川寨

在城東北一

賈莊寨

在城東北一

西山石窰三座

在楊家村

石窰二座

在王封南山

李丕承曰堡寨七十餘區廣狹高卑不等總之以衛民也承平日久武備不講崩頽塌毀誰復留心修補即火炮軍器皆故事耳萬一不虞何者足恃修飾而振勵之是在長民者

屯田

戴夢熊曰屯田之制寓兵於農以省招募以罷轉

輸甚善也今衛所之籍雖存而疆畝莫考耕耔非

兵有其名無其實矣志屯田

太原左衛丁糧總數

共地一千六百四十八頃二

不等共徵本色糧三千五百二十一石一斗八升

六合四勺六抄八撮七粒八粟牛具銀一百三十

九兩二錢八分一厘○共人二千一百七十九丁

各派徭銀不等共均徭銀一千二百三兩九錢四分二厘七毫二絲二忽三微

太原前衛丁糧總數

共地二千七百八十一頃六

不等共徵本色糧四千二百五十一石二升六合九勺四抄六撮四圭四粒六粟牛具銀一百七十二兩四錢八分八厘二毫○共人一千四百二十三丁各派徭銀不等共均徭銀五百八十一兩六錢四分六厘三毫○內康熙六年屯田守備劉光宸開墾荒地二百餘頃益丁三百餘口仍念邊民貧苦履畝勸諭特加二級褒嘉之

太原右衛丁糧總數

今歸併前衛○共地七百一十七頃六畝四分九厘一毫

各徵不等共徵本色糧一千三百七十四石七升四合八勺八抄八撮牛具銀一百四兩一錢八分九厘七毫○共人一千六百四十四丁各派徭銀不等共均徭銀七百九兩六錢二分五厘七毫

左衛坐落本縣實在地糧丁徭

傅家壑屯地三十頃七十二畝三

分四厘子粒一百一十六石二斗二升四合一勺五抄七撮五圭○在城共人二百二十七丁羅

屯共人六丁共徭銀一百三十八兩一錢一分九厘二毫九絲三忽四微四纖

前衛坐落本縣實在地糧丁徭

板泉屯地一十頃三十畝子粒一十

四石四斗五升○在城共人二十一丁共徭銀一十兩六錢八分六厘六毫八絲三忽七微一纖

右衛實在丁徭

在城共人四十九丁共徭銀二十六兩八錢七分二厘七毫七絲四

忽六微七纖

驛站

戴夢熊曰按周書司馬掌邦政蔡氏注曰軍政莫急於馬故以馬名官馬之關於國也重矣郵傳之設馬政之一端也然而達上下通往來昔人謂之國家血脉焉陽曲山右巖邑設有三驛成晉凌井直通石嶺天門咽喉之路非如臨汾之僅通內地也此年滇黔肆逆秦晉齊豫楚蜀間羽書不絕持馬之力差與披堅執銳健兒等今雖海寓蕩年而芻牧之需格於定值然則設法參養非余守土者所

(Faint bleed-through text from the reverse side of the page)

陽曲縣志 卷之八 武備 三十一

宜盡心哉志驛站

臨汾驛

原額馬騾一百一十九匹頭馬夫九十九名半

臨汾通運所

原額募夫二百一名防夫四名

成晉驛

原額馬騾四十九匹頭馬夫二十三名半

成晉廠

原額募夫七十六名防夫四名

凌井驛

原額馬騾一十五匹頭馬夫七名半防夫四名

按驛站舊例每馬日支工料銀一錢後奉文裁減馬多疲敝而軍旗羽檄絡繹道途所在稱困自驛道曾公寅蒞任之後不時查點嚴禁扣剋以是各驛加意喂養四牡繁殖而郵傳無悞斯實公之入政昭昭在人耳目蓋公以名進士為西臺侍御多所建白及巡離河東商民交頌固知經緯有樂其

他慮贖其多不能備載云

不始論





